

四庫全書

史部

欽定四庫全書

姑蘇志卷二十

明 王鏊 撰

橋梁下

崑山縣橋一百六

太平橋

州東橋 同在縣治東
跨東市河

普通橋

縣治
西

張家橋

王鎮
坊內

平橋

酒坊橋

舊名致和人名
夢感日新坊內

陳老橋

片玉
坊

秦迪橋

已上同在縣
治南武寧

北倉橋

安定坊西

山溪橋

馬鞍山後

衆安橋

柴巷內

許墓塘橋

縣治北

會僊橋

清真觀前

黃家橋

山溪橋東

泗安橋

同在縣治北跨山塘涇

萼萊橋

餘慶坊西

通濟橋

朝宗坊內

唐家橋

厚俗坊內

寶月橋

通閘橋

貴德坊內

興福橋

安奉坊東

甫庫橋

積善坊內

茅家橋

儒學坊內

東城橋

興仁坊北

羅漢橋

安榮坊北

採蓮橋

舊名永福已上在縣治東南

惠政橋

景德寺前

進福橋

儒學東

舞雩橋

儒學東

高平橋

報國寺西

迎仙橋

延福巷東

景德寺橋

已上在縣治西南

無不利橋

永懷寺西

戊己橋

樓豐坊內

富春橋

一名高板橋跨至和塘

望山橋

富春橋南

萬壽橋

跨東市河

安定橋

流慶橋

旌孝坊內

奚婆橋

已上俱在縣治東北跨木人涇

全相橋

清風橋

明月橋

已上在縣治西北跨西市河

半山橋

跨至和塘

見山橋

鼇峯橋

俗名樂輸半山橋南

香花橋

舊名慧聚寺前橋

楊家橋

俱馬鞍山前跨山塘涇

板橋

馬鞍山前已上俱在縣治西北屬城內

金童橋

在大西門外

四馬橋

太原橋

同在小西門外

玉虹橋

東門外跨至和塘

迎恩橋

迎恩坊西跨小虞浦

榮陽橋

太原橋西

通文橋

玉峯倉
東南

阜民橋

玉峯
倉南

應山橋

玉峯
倉後

東盈橋

玉峯倉
東北

西盈橋

玉峯倉
西北門

利民橋

北門
外

蝦蟇橋

正南
門外

廣惠橋

東南
門外

普濟橋

近廣
惠橋

新漕橋

廣惠
橋東

草堂橋

普濟
橋南

須浦橋

舊趙化
院西

香花橋

舊趙化
院前

秦浦橋

呂巷
村

九里橋

卽尤涇橋在
縣西十里

真義橋

縣西二十里
跨真義浦

狀元橋

縣東南石浦鎮宋祥符元年衛文節公建元至元二年邑人胡道茂修

接官亭橋

縣東南石浦鎮宋祥符元年衛文節公建

淞南第一橋

千墩浦

中正法華橋

縣南洼浦

行孝塘橋

縣東南

永安橋

保安橋

同在兵馬鎮

南夏駕橋

縣東南三十二里

廣順橋

趙靈興福寺前

郎浦橋

盛蕩村

濟衆橋

衆安橋

同在陳墓村跨界浦

天寧橋

陳墓村

南石橋

泗橋鎮

安里橋

十八里塘

井亭橋

鍾家涇上

道謁浦橋

縣七十里

涇浦橋

縣南二十五里

諸家橋

張潭浦

三墩橋

三橋相向在縣南二十三里

刁家橋

沈巷村

東宿浦橋

縣南三十六里

西宿浦橋

縣南三十六里

望江橋

縣東南三十七里跨金龜浦

石浦橋

縣東南三十里

陸虞浦橋

縣東南七十里

永寧橋

縣西南二十里

武成橋

縣西北三十六里

張莊漫橋

縣西北三十六里

虹橋

縣西北二十里跨溫焦涇

阜康橋

巴城村

壽安橋

縣西十二里

新瀆浦橋

縣西南一十五里

唐涇橋

縣北十八里

新塘橋

縣北十八里

常熟縣橋一百三十四

縣橋

縣治前元名州橋

沈家橋

縣治西南又名染子橋

市曹橋

在沈家橋西舊有市司故名

跨塘橋

舊名信義在縣治直南宋淳熙十年

縣令曾榮建吉州司理參軍曹緯記弘治間學士李傑建坊於此因名學士橋跨塘橋記琴川去京畿八驛而近境大壤平舟車走集東吳之望邑也東吳澤國千涇萬瀆悠然逝隕然止而皆瀦于三江浮于震

澤縈帶而下至琴川分為五浦而後入于海其經絡于闌閼之間旁注而側出者乃其一也舊有橋曰跨塘凡迎肅朝廷之命令接勞四方之賓客摩肩總轡憧憧于達路者莫不由斯歲籥綿綸雨隴澇毀來往患之邑人欲更為石梁久矣上之人獄訟是務踵武怙視莫肯一屑意淳熙癸卯邑大夫曾公為政之明年也歲物豐成閭里康阜縉紳父老合辭以請公曰衆之所欲苟憚其勞是委民寄于草莽也其可乎然後鉅費夥非號召能集要當以身先乃出公帑之餘為之倡於是遠近士民靡不咸勸協議畢力克伸偉功故材不賦而美工不發而多曾不逾時汙湊成績公謂是橋之新也玉虹蜿蜒直縣數百步實西南取道之首一境阡陌之會名其可以不稱乃以邑之地名之曰琴川自公改鑿蒼珉結址盤固而高廣有加也登焉引見則千里在曉晨霏夕靄春穠秋瘠征帆剡見飛鳥明滅瓌奇萬態間見層出騷人高士過之

心景宜會則停騁嘯傲躡步微吟江山之樂自適於
意之表雖簪纓之風臺月榭僊釋之紆巖繚臺兼得
之也真所謂處喧囂而接遐曠者歟何向晦而今顯
自非公之精識逸韻其能經營裁畫之如是邪且橋
梁之興廢先賢以是觀人之政豈細事哉子產以乘
輿濟人於溱洧而孟子譏其惠而不知為政公成梁
於暇日民無褰裳濡軌之患過子產遠甚濟川之功
兆於此矣公天資純粹粹以文學世其家於書無所不
窺施於有政則應機立斷鈞隱察伏洞見精密而歸
于忠厚凡民互過麗刑鋤簞投辭有至于庭者涉筆
批解而人無不得其情不以吏追民不以政為吏施
設見於日用者先定其規模而後從事庭廡肅如也
至若通漕渠而貫艦得以貿遷浚福山白茆二浦溉
荒蕪為膏腴興學校而子弟知為善之可樂若是者
未易一二而詳大凡天下勝處非人莫傳滁山之林
泉以醉翁亭而傳西湖之景物以蘇公隄而傳此橋

以公之善政遂為一方之超觀將振耀而傳無窮也邑人求文以識其事公之治績赫赫不可掩何待翫散之辭蓋人之嚮慕傾戴而不足者非刻之金石無以垂不泯而慰邑人之拳拳也故為之書

迎恩橋

在縣治東宋建中靖國元年建弘治九年知縣楊子器重修

文學橋

在縣治東北子游巷口舊名言偃橋又名醋庫橋宋慶厯五年錄事夏秀建洪武初里人

陳貞重建按舊圖經言偃橋在縣東一百五十步文學橋在縣東北一里前志併二橋為一未詳何謂郡人黃士毅撰銘魯鄒而降道為絕學千五百年起濂續洛寥寥闕泝久幾復絕再起滄洲教修日揭無極二五在人一源故不同地時生聖賢吳通上國公即游魯胡然厯世莫踵公武觀跡亦味吁方肇祠是用作記意嚴灑而嗟予小子世閩產吳敢誦所自滄洲之徒登橋而思刻銘述記期我同心如水海至能令

後學本末易明偽
行不作踵公自今

通濟橋

縣治東北俗云坊橋因其
接福山塘通大江故名

瞿橋

縣治東北知縣楊子器重修舊志有隱仙和
風二名尚存以方隅步數度之二橋疑是

廣惠橋

縣治東北舊名通泰紹興間錢氏新
之少卿陳揆名曰廣惠俗名通江

慶僊橋

縣治西南舊傳為徐
神翁昇仙之地故名

昇僊橋

與慶僊橋對
俗名八字橋

迎僊橋

去前二
橋稍南

望僊橋

迎僊橋南
事跡同上

顯星橋

縣治東南二百五十
步宋慶元三年縣令

孫應時建舊傳星墜
港中化為石故名

善利橋

縣治西其地
多貨易故名

孩兒橋

縣治西北

順民橋

順民倉北弘治間重修今名倉橋

何家橋

縣治西舊名和嘉橋

東何家橋

縣治東北舊名和豐

太平橋

縣治東南古太平巷名

鎮橋

縣治南慶元二年縣令孫應時建

焦家橋

縣治東南舊名通利

魚行橋

縣治西南寶慶四年王文雍建

草橋

縣治西南元至正乙亥建

中和橋

寶慶橋

龔家橋

范公橋

俱在縣治西南

迴龍橋

焦尾溪上

廣義橋

焦尾溪上舊名米糶

王家橋

俱在縣治西

黃栢橋

市中心街北

天心橋

金家橋

包家橋

俞家橋

俱在縣治西北

小洋子橋

在邵巷北

小虹橋

縣治東南俗呼洞橋

紅板橋

清和橋

保安橋

俱在縣治東北元至正間建

承流橋

縣治南門成化間知縣鄧珙建

宣化橋

縣治北門

行春橋

縣治東門元至正間建

秋報橋

縣治西門今廢

介福橋

縣治北水門外成化間知縣鄧珙建名拱辰

富安橋

小東門外路通東倉宣德間縣丞李子廉建成化間知縣甘澤重建改名阜安學士范安

記

豐樂橋

南門外路通南倉宣德間李子廉建

正統間巡撫侍郎周文襄重建

殿橋

秋報門外跨山塘

迎春橋

行春橋東元至正間知州盧鎮建成化間知縣鄧珙甃石重建改名熙春

練墩浜橋

縣治南三里

徐涇橋

縣治南六里

莫門塘橋

縣治南九里

斜橋

縣治南十里

魏涇橋

縣治南二十里

廟塘橋

縣治南二十一里

潭塘橋

縣治南二十四里

顧涇塘橋

縣治南三十里

吳塔橋

縣治南三十五里已上九橋弘治間重建

黃土塘橋

張港涇橋

俱在縣治南三十里因塘得名

小山湖橋

縣治西十八里弘治十一年新建

塘頭橋

縣治西南二十里

沈店橋

縣治西四十里

墅橋

縣治西北二十五里

報慈橋

望海門外二里

濟民橋

北水門外二里正統間周文襄建弘治間僉事伍福重修

順民橋

通江門外四里弘治間都御史侶鍾建

茅塘橋

望海門外十二里

尚墅濟民橋

廣利橋

福民橋

俱通江門外二十里

祿莊橋

通江門外二十四里

崔浦橋

通江門外五十里

永安橋

莫城南元延祐間建

五瞿橋

阜安門外五里

戈莊橋

縣治東接昆承湖

任陽橋

縣治東南六十里

上社橋

縣治東六十五里

杏花橋

縣治東南七十里

塘橋

昆承湖南跨時涇

轉河橋

福山鎮南弘治間建

香花橋

一在罍里村一在第四都一在四十都

尖口橋

迎春門外四里

新橋

迎春門外十二里

壽慈橋

迎春門外
十五里

習善橋

俗名黃
石皮

月河橋

永慶橋

俱梅
李鎮

僊人橋

縣治東北
三十六里

登津橋

縣治東南
五十里

柴涇橋

尚湖
南

羅墩橋

尚湖南
四里

九折橋

縣治西北
十五里

東義橋

跨清
水港

西義橋

跨避
湖涇

尚塘橋

河陽橋

俱第
九都

坊橋

十二
都

湯家橋

二十一都宣德
間湯氏所建

葛墅橋

元至正
間建

聚寶橋

俱二十都

塢丘山橋

二十四都宣德間巡撫侍郎周

文襄建

今廢

虹橋

跨梅李塘

前港橋

俱二十五都

大陸涇橋

珍門橋

寺涇橋

長毫橋

陶公橋

洪武間建

楊塘橋

嚴舍橋

俱宋端平間建

江門橋

宋淳祐間建

天打石橋

俱二十都

貴涇橋

在二十八都延祐間建

賀勝橋

在二十九都東接許浦通大海宋紹

興間金人入侵直抵許浦軍左軍李寶駕樓船水戰大勝獻捷於此因建橋云

黃涇橋

三十
三都

孩兒橋

元至正
間建

萬石橋

東虹橋

西虹橋

俱三十
七都

橫瀝塘橋

三十
八都

平昌橋

在四十都元至
順間謝總管建

釋子石橋

興信橋

與上橋相對
俗呼八字橋

寶寶橋

俱淳熙
間建

四丫口橋

語廉涇東橋

俱四十
二都

富安橋

三塘橋

俱成化間建
在四十三都

馬涇橋

妳婆橋

俱四十都

朱涇橋

正統間建

張公橋

寶慶間建

洞涇橋

洪武間建

廟橋

永樂間建俱四十九都

吳江縣一百三十一

垂虹橋

縣東門外一名利往又名長橋慶歷八年縣尉王廷堅建以木為之東西千餘尺橋

中有垂虹亭治平三年知縣孫覺重修紹興間敵
人侵淮有建議焚橋者郡守洪遵持不可而縣民
相與聚哭圯下不果焚奉定二年判官張顯祖甃以
石下開七十二洞洪武元年知州孔克中正統五年
巡撫侍郎周大襄相繼修治成化十七年重修學士
錢溥記宋錢公輔利往橋記出姑蘇城南走五十里

民屋數百撮然沙渚之上者今吳江縣也東湖之流貫城之中隅限南北橫可以渡者今吳松江也隱然長虹截湖跨江便來濟往安若復道者初作利往橋也橋本無有慶歷七年冬大理寺丞知縣事李問縣尉王庭堅嗟邑民之陋鮮慕學者將改立至聖大宣王廟侈大黌館以進延諸生乃呼富民譬曉以奉釋氏不若助縣官興學民始聽且駭居一日心曉意解驪然從命遂輸緡錢數百萬未幾詔禁郡縣不可新立學二人胥與謀曰民既從財既輸矣倘不能作一利事以便人吾何以謝百姓遂合傭傭工橋役興焉東西千餘尺市木萬計聞者異之沮議百端不兩月功忽大就即橋之心侈而廣之構宇其上登以四望萬景在目曰垂虹亭並橋之兩涯各翼以一亭而表橋之名於其下使往而來者可指以稱曰此某橋也初縣城為江流所判民半居其東半居其西晨莫往歸事無纖巨必舟而後可故居者為不利縣當驛道川奔

陸走者肩相摩櫓相接也卒然有風波之變則左江
右湖漂泊無所故行者為不便及橋之成行者便而
忘嚮所謂不便居者利而忘嚮所謂不利議者皆舌
強不敢發噫賢人君子措一意興一役豈直為遊觀
之美登賞之樂哉往往有悅其景物清絕脫落人世
者若居之利行之便則茫乎其莫稱也雖然湖光萬頃
與天接白洞庭薦碧雲烟戰清月秋風夏罨滅埃斷
牛謳漁吟喑鳴間發榜聲棹歌嘔啞互引后盼前眺
千里一素是亦有足樂焉庭堅之字曰世美精敏沈
毅顧其胷中不止乎佐一邑李丞相原通雅喜其有
能而信從之視事幾數月塗巷室閭新然一變若是
橋利大功博可傳可記者餘固不可以一二書也余
觀今世人平居燕議時孰不欲求位以伸道試牒以一
職則曰職小位隘吾無以伸惟齟齬奉法保己之不
暇若世美盡力其任不以小隘自繫者余未見也
始則欲設庠序恢教本使民知堯舜周孔之尊及

詔條尼之遂能合財力興功利為久久之便其周旋進退無一不中於道噫豈常人而能至哉世美余友也欲余之文以信本末余嘗學春秋太史氏法乃書曰慶厯八年六月二十八日蘇州吳江縣初作利往橋成元袁桷重建長橋記震澤東受羣川汪洋巨浸至吳江尤廣衍地為南北衝千帆競發駛風怒濤春激噴薄一失便利卒莫能制唐刺史王仲舒築石堤以順牽挽宋慶厯八年邑宰李明始建長橋繇是各舍舟以途來往若織水嚙木腐歲一始葺蓋為民病泰定元年冬州判張君顯祖始蒞事曰茲實首政稽工程財莫知攸出當謀於民民有調役維浮屠善計度長衢廣殿瞬息以具吾語諸衆有獲廣濟僧崇敬實來敬言木為梁弗克支遠易以石其迄有濟參知政事馬驥庫以督運至吳乃采其議周詢以籌首捐贊以勸敬復曰作事謀始不可不慎有善士姚行滿嘉興人能任大工役必屈必委繪圖相攸經畫畢具

咸服姚議於是參政委郡守郭侯鵬翼役未興丞相達
爾罕公朝京師回道繇吳江郡白橋議丞相曰吾必首
倡即捐萬緡而府縣士民相胥以勸平章高公貫迺繇
湖廣江西來江浙力屬張均俾終是工杜侯真來守是
土亦曰張之言然二年閏正月建橋明年二月橋成長一
千三百尺有奇擬以巨石下連層淵積石既高環若半
月為梁六十有二鎮以剽悍廣中三梁為尺三二百
以通巨舟層欄狻猊危石巖竄甃以文甃過者如席
舊有亭名垂虹迺遭崖竄因名以增榮觀焉是役也
敬師鳴徒輸財實三之二贏財十萬復以為寶帶橋
助姚總其綱張均首議出於政事有脗合而是州興
役見知於丞相誠出天幸厥今運舟相聯驛使旁午
咸曰丞相謀猷經遠張均美績猶是得書將永遠無
極繫之以詩茫茫禹甸昔隣於魚維四載功茲為具
區有矢其防羣嗷喁喁曰維李侯構茲虹梁經始孔難
任負陽陽歲老水泐臨履若驚張均蒞官飭我以政茲

橋匪修涉者益病召維耆老貨市莫竟相國之來六
轡徐徐詢行審宜以究以圖割其民錢俾民樂輸橋
既成矣虹飛于江千柱承宇郡流迴虹儼兮層城爛
其軒窓張均籌思相國成之彼清淨士克式承之千
載永賴庸以銘之蘇舜欽中秋對月詩月晃長江上
下同畫橋橫截冷光中雲頭焰焰開金餅水面沈沈
臥彩虹佛氏解為銀色界僊家多住玉華宮地雄景
勝言不盡但欲追隨乘曉風王安石三江五湖口地
與天不隔日月所蔽虧東西渺然白漫漫浸北斗浩
浩浮南極誰投此虹蜺欲濟兩澗阨中流雜蜃氣欄
楯相承翼初疑神所為滅沒在頃刻晨興坐其上傲
兀至中是獨憐造化功不謂因人力今君持酒漿談
笑顧賓客頗誇九州物壯麗此無敵熒煌煌丹砂柱瑤
璨黃金壁中間不慮始助我皆豪殖喟予獨不可還
當采民力鄭獬三百闌千鎖畫橋行人波上踏靈鼉
插天蟠螭玉腰濶跨海鯨鯢金背高路直鑿開元氣

白影寒壓破大江豪此中自與銀河接不必仙槎八月
濤蘇轍六月長橋斷不收朱闌初喜映春流虹腰宛轉
三百尺鯨背參差十五舟入市樵蘇看絡緯歸家鹽
酪免逗留病夫最與民同喜知酉匆匆無復憂劉斯
立路隔臨潢鳥倦飛行人恐犯女星機長虹出浪無
冬夏老蜃浮空半是非兩岸履聲雲內合三洲帆影
月邊歸闌干獨立秋風早豈待鱸魚始拂衣林景熙
地圻東吳海脉連畫橋兩道跨晴川影翻河漢蛟龍國
勢壓江湖蟠螭天幾處征帆浮日月四州巖角隔江烟
三高遠矣荒祠在一笛闌干夕照邊附垂虹亭詩陳瓘
三年為吏住江濱重到江頭照病身滿眼碧波輸野
鳥一簑疎雨屬漁人隨船曉月孤輪白人座羣山數
點春張翰英靈應笑我綠袍依舊惹埃塵米芾斷雲
一葉洞庭帆玉破鱸魚霜破柑好作新詩繼桑宇垂
虹秋色滿東南揚絳垂虹臨絕景仙隱寄人間遠水
吞平野歸雲補斷山空明寬眼界透迥破天慳深羨

鷓鴣子偏舟竟不還
姜夔自作新詞韻最嬌
小紅低唱我吹簫
曲終過盡松陵路
回首烟波十四橋
倪瓚
虛閣春城外
澄湖暮雨邊
飛雲忽入戶
去鳥欲朝天
林屋青西映
吳淞碧右連
登臨感時物
快吸酒如川

僊里橋

縣治東世傳陳昉于此僊去故名下有僊人洞宣德五年知縣賈忠重建張達明詩蓬島

徒遼遠
瑤池更渺茫
波間有林屋
只此是僊鄉

庶寧橋

在縣門右縣初為州入稱州橋元大德六年

判官王英重建張達明詩比屋連甍棟居民庶且寧
早來漁市散
警敗鱗腥

看波橋

縣門左

利民橋

至正十四年建

吳興橋

至正二十年建

六子橋

洪武三年重建

通利橋

至正七年建

淳安橋

洪武十七年知縣張紀重建

亨利橋

洪武十四年知縣饒毅重建

濟民橋

已上俱在縣治後

永定橋

至治元年知縣陳壁重建

永安橋

洪武八年建

歸明橋

縣治東南泰定二年建

醋坊橋

太湖廟前永樂九年重建

永濟橋

正統四年重建

三里橋

北門外倉場左泰定元年建天順六年重修

七里橋

北門外慶厯七年縣尉王庭堅建

通濟橋

西門外正統七年建

楊家橋

俱在西門外正統七年建

三江橋

觀瀾橋

惠政橋

俱泰定初建

廟涇橋

至正間建

大明橋

儒學西跨運河劉嘉謨詩東望扶桑路迢迢幾萬程滄浪將盡處忽見大明生

萬頃橋

至正間建劉嘉謨詩巨浸漭無極聊
為萬頃看世無黃叔度君試倚闌干

定海橋

至正間建劉嘉謨詩昔日松江上潮
翻漲海來而今舊橋水不到半江回

三山橋

泰定元年建

甘泉橋

又名第四橋其水
甚清洌在水品第

六倪瓚詩

松陵第四橋前水風急猶須貯一瓢熟

火烹茶歌

白苧怒濤翻雪少停橈王逢阻風有作

虹梁雪灘

光明滅風著岸脇冰鱗生空郵天晚亂

木葉太湖

日寒多雁聲馬周斗酒足自慰龜蒙扁

舟有餘情

囊中青錢不

滿百聊買

小鮮來就烹

通津橋

延祐間建

龔家橋

至正間建自三
江橋俱在石塘

徹浦橋

至正間建

水濠橋

泰定間建

翁涇橋

元貞初建

盛墩橋

至正
間建

裊腰橋

至正
間建

南六里橋

洪武
間建

北六里橋

至正
間建

洪水橋

長湖橋

黎涇橋

鰕魚橋

上匯橋

市涇橋

自洪武橋至此
俱洪武間建

七星橋

南雙利橋

北雙利橋

三橋至
正間建

七里橋

永樂九
年間建

泄水橋

至正
間建

楊橋

永樂九
年重建

太平橋

洪武九年建

順濟橋

至正間建已上在上塘

中濟橋

洪武二年建

西吳橋

洪武八年建

百步橋

至正間建

三里橋

斜路橋

周涇橋

新路橋

張灣橋

楊定橋

自三里橋至此俱洪武間建

馬賦橋

蠡思橋

曹村橋

三橋至正間建

馬路橋

洪武間建

通安橋

宋致和元年建

大明橋

宋紹興間建

登瀛橋

洪武間建已上十六橋在荻塘

天津橋

范隅上鄉柳胥村至治三年建

永濟橋

范隅上鄉陸巷

前莫橋

石家橋

同在莫舍村洪武間里人奚氏重建

明月橋

大德三年重建

永安橋

至正間重建

黃水匯橋

泰定元年建

壽寧橋

至順元年重建

雍熙橋

至正二年重建

直瀆橋

洪武二年建

安定橋

福安橋

同在二都南俱正統三年建

韭谿橋

范隅上鄉三都西永樂間建

環秀橋

至元三年建

嘉會橋

洪武十四年
建

登春橋

大德三年
建

福海橋

洪武二十七年
建

永昌橋

至正九年
建

連雲橋

延祐四年
建已上在澄源上鄉

四通橋

永樂十一年
重建

豐登橋

永樂十二年
建

安富橋

至大四年
建

種德橋

洪武二十八年
重建

招賢橋

至大四年
建

大通橋

洪武四年
建已上在澄源下鄉

永福橋

在姚溪洪武三十四年
建

永安橋

永樂十年
重建

永昌橋

洪武十六年
建

和豐橋

永樂五年
重建已上在蘆墟村

大有橋

草塔村

思本橋

來秀橋

長春橋

同久在詠鄉

安德橋

宋慶元三年建楊誠齋詩云亂港交

穿市高橋
過得桅

長老橋

成化六年知縣王廸重建

賽安橋

大通橋

積善橋

宋淳熙十年建

興平橋

圓明橋

宋淳熙十年建

下湖橋

正統六年巡撫侍郎周文襄重建

寺橋

正統十年建

百星橋

望僊橋

在平望成化間驛丞崔勝重建

長春橋

黃家襪宣德間建

越溪同壽橋

柳塘橋

雙楊村

底定橋

震澤鎮有石刻題宋淳祐二年重建元至大己酉廣濟寺僧入為募建雄跨荻塘

會源橋

宋嘉定間建

思范橋

至正二十三年建

安慶橋

洪武九年建

富潤橋

洪武間建已上同在震澤鎮

中新橋

正統十三年建

東新橋

舊名東溪至順元年建成化三年里

人重為移建故名

慶榮橋

至正十三年建

普安橋

洪武二年建

飲馬橋

洪武間建

永興橋

永樂二年重建

斜橋

永樂間重建

昇平橋

正統十三年重建

湯家橋

永昌橋

成化間重建

得春橋

成化間重建已上十一橋在同里鎮

嘉定縣橋九十四

登龍橋

在縣市中心稱州橋淳祐五年知縣王選建

普濟橋

舊名東市

寶慶橋

德富橋

永樂間重建同在橫滙上

熙春橋

城隍廟南嘉定間教諭瞿仲淵建

廣平橋

在新巷咸淳四年建

孩兒橋

呈瑞坊南致和中趙儀曹建

萬安橋二

一在縣治西南泰定間建一在玄壇廟西泰定三年建

廟涇橋

合浦門內嘉定十五年建

保安橋二

一在崇文坊一在留光寺後俱

紹定元年建

賓興橋

儒學東淳祐九年知縣林應炎建

顯慶橋

留光寺東淳熙十年僧得謙建

耆英橋

儒學後嘉定間教諭瞿仲淵建

永安橋

圓通寺東

拱星橋

圓通寺西嘉定十年知縣高衍孫建

大德橋

舊名千秋

永寧橋

圓通寺東至元間建

通津橋

舊名望京

倉橋

端平元年知縣鄭士頴建

清境塘橋

西隱寺東嘉定間建

清河橋

新巷內泰定間知縣高衍孫建

衆安橋

護國寺前

項涇橋

護國寺西俱梁天監中建

河門橋

澄江門外
嘉定間建

六和橋

鹽鐵塘上泰
定元年建

福壽橋

至順四
年建

太原橋

鹽鐵
塘上

永福橋

陳涇上延
祐三年建

吉祥橋

縣治西北至
元三年建

廣壽永安橋

縣治西北二十
里至元三年建

黃家橋

米門涇至
元三年建

黃姑塘橋

黃姑塘上永
樂八年建

楊家橋

吉涇塘至正
九年強珣建

張涇橋

張涇上屬崑山
界至正九年建

紅橋

永樂三
年建

孫店橋

洪武四
年建

香花橋三

一在羅漢寺前洪武間建
一在真如寺前嘉定間建
一在保安寺前永樂間建

陸皎浦橋

吳塘巡檢司
東永樂間建

陸家橋

至正二
年建

葛倪橋

永樂元
年建

馮家橋

永樂元年建已
上同在黃渡鎮

革亭涇橋

縣治東北至
正九年建

通津橋

顧涇上淳祐
十一年建

嚴泗橋

安定鎮洪
武七年建

稅鎮橋

縣治西南延
祐二年建

朱門橋

縣治西北紹
興三年建

鳳凰橋

縣治東南洪
武三年建

來福橋

洪武二
年建

清溪橋

吳淞江東至
正五年建

衆安橋

吳淞江東
洪武間建

太平橋

吳淞江守禦千戶
所城內洪武二十

四年
建

練祁塘橋

晏海門外
永樂間建

永安橋

縣治東南洪武十二年建

集慶橋

縣治南洪武十一年建

石埭門橋

縣治南永樂二年建

馬陸橋

馬陸村洪武十五年建

顧涇橋

縣治東洪武十六年建

五嶽塘橋

縣治東洪武間建

黃姚港橋

縣治東至正間建

太平新橋

縣治西南永樂三年建

顧浦橋

縣治西南永樂四年建

吳塘橋

縣治西南永樂元年建

桑浦橋

縣治西南永樂七年建

大盈浦橋

縣治西南永樂四年建

衆福普濟橋

寶華寺前至正二十三年建

胡陸灣橋

縣治東南永樂十年建

普濟橋

縣治東南洪武三年建

普安橋

江灣鎮東
洪武間建

楊涇橋

縣治東
洪武二十二年建

牛橋

狄涇上
洪武十三年建

馬路橋

縣治東
洪武十九年建

官橋

縣治東
永樂七年建

邵家橋

狄涇上
洪武元年建

支家橋

縣治東南
洪武五年建

廣壽衆安橋

張垌門塘
洪武十七年建

僊槎橋

南翔鎮至正
十一年建

報濟橋

南翔寺前
景祐四年建

華家橋

南翔寺後至
治四年建

德澤橋

大德寺前
至正十八年建

祝家橋

東嶽廟前
洪武九年建

五福橋

五聖廟前
洪武十六年建

槎浦橋

東嶽廟西
永樂二年建

感夢橋

南翔市心
洪武二十年建

金家橋

槎浦上洪武三十年建

于杜橋

真聖廟北泰定四年建

衆安橋

永樂七年建

義濟橋

同在大場鎮西至元四年建

新涇橋

縣治東南至元五年建

廣濟橋

縣治西南至正三年建

福德鞏固橋

縣治西北永樂四年建

太倉州橋六十八

海門第一橋

即用涇橋在景祥坊至順元年郊道富建

安福橋

畫錦坊南天厯二年僧崇福建俗名三洞橋太倉陳門二塘之水至此交會東出海門第

一橋以入于海

致和橋

儒學後成化十年重建

武陵橋

舊名惠安鎮海衛前至和間建

稅務橋

武陵橋西

興福橋

西城橋東元統二年里人郭普濟建俗名郭道橋

西城橋

大西門內至正三十年建

香花橋

三興福寺前僧慧

陳重建一在城隍廟前至正壬辰道士殷元善建一在廣安寺前紹興間僧了悞建

望僊橋

大西門外已上跨太倉塘

登英橋

舊名章家橋以木為之今在儒學前

景泰五年百戶程順重建易之以石教授李亨改今名

長春橋

名宦廟前至正四年郊道亭建

登瀛橋

長春橋西至正五年建

包家橋

小西門水關外

新板橋

小西門外新涇港口天順間建

永安橋

靈慈宮前至元六年僧智慧建

北周涇橋

仁厚坊東泰定間建

清平橋

吉利橋東泰定戊辰建

東安橋

安福橋東泰定間建

普安橋

東門北

太平橋

普安橋東俱泰定間陸義建

集福橋

城隍廟東至正十年杭仁建

仁義橋

仁禮橋

同在集福橋至正十一年建

樊村涇橋

嶽廟南至順四年丁文彬建

玄通橋

玄壇廟西至順四年建

鼓樓橋

武陵橋東至正二年建

木行橋

北旱涇橋東至正二年建

北旱涇橋

北巷內至正十年建今廢

旱涇橋

大南門內天恩十年湯文勝建

錦雲橋

豐積坊西舊名戴家橋成化十二年

參政陸景重建因
跨錦雲溪上故名

廣寧橋 甘泉巷內至正
三年張道榮建

聖福橋 崇文坊東天歷
二年湯文勝建

慶安橋 崇文坊東大統
三年鍾道亨建

古塘橋 城東吳
元年建

通濟橋 太倉衛後洪
武十年建

南板橋 太倉衛東三橋
俱指揮朱文建

德濟橋 鹽倉西至正五
年張成禮建

剪巾橋 海寧寺前至和
元年朱信建

富安橋 即八浦橋鼓樓橋
東至元六年建

天歷橋 天歷間建故名
即杜賣香橋

永福橋 南門外洪武二年
建俗名三里橋

迎僊橋 城西洪武十
年吳子巾建

張涇橋 城南至元九年
強珣重建今廢

福濟橋 古塘
上

陳涇橋 洪武二十四
年楊壽四建

太平河橋

永樂十四年
張添祥建

壽山橋

朱虎妻墓前
同在城北

吳塘橋

西門外宣德四
年高道人建

陳家橋

小北門外至正
庚午春辛卿建

舍家浜橋

大西
門外

姚涇橋

吳塘橋東景
泰間重建

平昌橋

至順四年
謝總管建

木行橋

洪武
間建

孩兒橋

塗松市跨
七浦塘

白米橋

三里橋

二橋在塗松
市跨白米涇

劉家橋

元劉氏所建已
廢成化間重修

中市橋

在中市故名已
上在雙鳳鎮

迎僊橋

雙鳳鎮跨徐涇元
道錄周靜修建

菴橋

義濟橋

通津橋

陳團橋
已上四橋
在沙頭鎮

青石橋

穿山北至正
十六年建

塘橋

沙頭鎮
北四里

保安橋

崇明縣橋八十二

鍾秀橋

寧洋
門內

積善橋

安順
門內

通泗橋

儒學
西

慈濟橋

慈濟
寺東

太平橋

儒學
西北

接引橋

城西
南隅

寧洋橋

東城
壕

迎薰橋

南城
壕

承恩橋

西城壕

安順橋

北城壕

潭子橋

陳富橋

黃籬桶橋

朱叔安橋

丁家橋

已上同在潭子港

杭家橋

縣南五里

彭家橋

縣南關外

白橋

花家橋

同在蝦港

楊家橋

縣西北五里

宣家橋

滑港

倉基橋

縣西北一十五里

徐梢橋

沈區港

黃德橋

縣西北二十里

陸廉橋

新開河

鍾家宸橋

在縣東北七里

陸皮橋

縣西北

張家橋

陸季沙

低泥橋

新開河上

會聖橋

奉聖寺東相會異人處

高橋

長沙營

長沙橋

長沙濱

南大港橋

東沙

福利吐橋

三沙巡檢司南

長橋

三沙洪

陳家橋

三沙

馬家浜橋

三沙

陸師廟橋

南大港

張行橋

潭子巷

徐通橋

縣西南七里

葛家橋

天賜場
東南

焦家橋

天賜場
東南

胡家橋

天賜場
東南

窑橋

袁家橋

泥橋

馬路橋

同在海
兒港

王家橋

孫客橋

李家橋

同在潭
子港稍

通濟橋

後舊州
城內

茅家橋

鍾家
眾港

仇家橋

顧家橋

朱吾橋

同在潭
子港

花家橋

蝦
港

陳殊港橋

嚴家橋

滑港

史匠橋

滑港

永安橋

永安港

迎恩橋

曾姚港

徐家橋

張家港

閩家橋

富民港

陸弘愷橋

丁家港

張寬橋

弔爽港

安民橋

三沙巡檢司北

陳鋏橋

長明港

岳廟橋

施家港

子華橋

楊樹港

威武橋

軍營港

吳留橋

通營港

長樂橋

太平堂橋

通進橋

港蝦

八字橋

港千家

新河橋

港蝦

通濟橋

沙三

崇善橋

壽安寺前正
統九年建

垂虹橋

西沙垂虹港
百戶駱顯建

玉帶橋

興教寺前
僧文奎建

通濟橋


界溝

道安橋

新港

通賢橋

巡檢
司南



姑蘇志卷二十

欽定四庫全書

史部
姑蘇志卷二十一

詳校官編修_臣曹振鏞

檢討_臣德生覆勘

總校官知縣_臣楊懋珩

校對官中書_臣李斯咏

謄錄監生_臣姜士安

欽定四庫全書

姑蘇志卷二十一

明 王鏊 撰

官署上

歷代廨署有因有革而其地亦皆可考今先列國
朝定制而附綴舊聞以備郡中故事若學校則別
書亦以政教之角立也

府治在織里橋東元初為江淮財賦提舉司後改都水
庸田使司後為平江路總管府國朝吳元年就建府

治洪武二年有旨加闢知府何質陳寧相繼成之造門及堂又於廳事兩廡後增葺舍宇初因元舊官吏居外宅治事至是始就內居處正統間知府況鍾重構庫房天順間知府林鶚改作後堂迄今規制整備廳事東為推官廳又東為照磨所西為經歷司又西為架閣庫後為豐盈庫堂下夾以東西廊舍東為吏戶禮承發架閣房西為兵刑工糧房堂外周列守貳判推之私第西稍下為四區以居幕屬又下一區居

庫官廊後為周廬以畜胥史中門外東為土地神祠

傍地為厩門之外東為旌善亭西為申明亭

二亭俱洪武中

建輔以榜廊拱以雙表此郡衙之大畧也嘉靖間火

燬廊廡郡守王鴻漸改建載逾年廳堂庫藏門廡又

遭火厄同知鍾鑑重悉如制鼎新煥然改觀焉

司獄司在府治西南緄里橋南東向吳元年移元舊

司於靈芝坊洪武六年定建於此

稅課司在大街周太保橋北西向洪武初建

織染局在天心橋東洪武元年建

雜造局在章家橋南東向洪武六年建

陰陽學在喬司空巷即元海道萬戶府千戶所也洪武初改元陰陽教授司為之永樂元年重建

醫學在流化坊即宋吳縣治基元改醫學設教授官奉三皇廟祀洪武元年革廟尚存本學

長洲縣治在府治東南隅一里烏鵲橋西洪武元年建二年增廣廳事及兩廡後朔屋官吏就內居處正堂

西為典史廳東為庫東西二廊為六房糧房承發房中
門外東為土地神祠西為監房門外有榜廊申明旌
善二亭在縣門外東西向

弘治元年知縣邢纓築舍
數十間以居停鄉民之應

辦
者

養濟院在鼓樓西北

稅課局在葑門外馬路西

崑山縣治在馬鞍山東南三里即宋舊治元改為州延
祐元年移治太倉至正中復還舊治國朝因之吳元

年就設州治洪武二年改縣知縣王瑾遵朝旨增廣之典史廳在堂之西架閣庫在東東西吏廡門內監房咸備申明旌善二亭俱在縣門外西陰陽學在通闌橋東

醫學在縣治南三皇廟西

惠民藥局二一在平橋一在縣南

僧會司在薦嚴寺

道會司在清真觀

養濟院在縣東南

巡撫行臺在縣治東薦嚴寺左即宋范文穆公讀書

處號石湖書院內有范公亭

趙雍書扁

正統間侍郎周忱

重構堂宇改稱玉峯書院亭曰思范

察院在縣治東南舊儒學坊洪武初建

府官館有二一在縣治南一在半山橋下即舊寧海驛

弘治十年改置

常熟縣治在虞山東南由唐置縣以來歷宋及元皆仍

其處國朝吳元年仍元為州洪武二年改為縣增闢
之典史廳在西庫在東餘皆如制申明旌善二亭在
縣門外東西向

稅課局在縣治西南琴川橋下

陰陽學在縣治西

醫學在縣治西即舊惠民藥局

僧會司在慧日寺

道會司在致道觀

養濟院二一在縣西北一在縣西南

巡撫行臺在縣東北即文學書院宣德間移吳公祠於
儒學以此為巡撫公署侍郎周忱嘗改稱學道書院
成化十九年都御史王恕扁其堂曰願治弘治十年
縣令楊子器以其地狹隘乃請於彭都御史禮遷於

西山巷之左市地

王恕記余以願治名堂之明日有客來訪曰聖天子授公以保釐之

任而有便宜從事之璽書凡撫內善良者公得而扶持之強禦者公得而禁遏之賢才有益於國家者公得而薦引之奸貪有害於政事者公得而斥逐之田野未闢公得而闢之學校未興公得而興之賦役有

未均詞訟有未息公得而均之息之以至周窮恤困
伸冤理枉皆公分內事也今皆舉而行之亦可以言
治矣而猶以願治名其堂何歟余曰善良者固多矣
余豈能盡扶持之強禦者亦衆矣余豈能盡禁遏之
賢才當舉而或不能盡知奸貪當逐而或不能盡察
田野當闢而或流亡之未復學役當興而或教養之
無方里書作弊賦役如之何得盡均教化不行詞訟
如之何得盡息縱使盡扶持之盡禁遏之盡知之盡
察之盡闢之盡興之盡均之而盡息之苟有一民之
失所一事之不理亦不得謂之治治豈易能哉非但
才之罪其勢然也余以菲才受厥命食厥祿豈可怠
厥事是以夙夜孜孜願治焉而未之能也願而未能
其可忘乎故以願治二字揭諸堂欲其常目見
之而求所以治之也客唯唯而退遂書之以為記

尚書行府在支塘鎮徐時視河官即鎮之瑞真道院治

事嘉靖元年工部李尚書克嗣以都御史來治白茆
改建廨宇居之巡按胡御史體乾仍命縣令徐濙整
葺院之道士守焉

察院初密邇縣治東偏弘治九年遷於縣西百步即舊
公館地

西向譙樓在縣治前

稅課局先在城隍廟東洪武元年設二年移縣東仙
里橋南

同里稅課局去縣治東一十八里洪武五年設置
陰陽學在城隍廟側正統十四年建

醫學在縣治西北舊府官館

惠民藥局在縣治西無礙寺右

僧會司在聖壽寺

道會司在昭靈觀

養濟院在縣西北柵頭淳熙間初後又增之今移置
昭靈觀側

巡撫行臺在縣東舊為書院

察院在縣北城隍廟後舊在東門內弘治五年知縣金洪以福隘移置

府官館舊在北門外弘治三年改建東門內即舊察院嘉定縣治在春申鄉練祁市宋嘉定十一年立縣知縣高衍孫昉卜馬軍司酒坊之地築址作室三月而成入元中世陞為州至大間知州高源劉文質繼有脩建

太倉州治在州城北隅即舊教場地弘治十年昉建門堂規制大率視縣差大吏廡庾獄私舍皆具吏目廳在堂左又有會問廳門有譙樓外有榜廊申明旌善二亭在州門外東西向

稅課局在海寧寺前即元舊吳元年重設

巡撫行臺在城報本寺西弘治中知州翟敬建

崇明縣治即宋天賜鹽場提督官廳後為風濤衝噬元立為州達魯噶齊巴哩雅知州程世昌與民僉謀於舊

州北相高爽地定基建治國朝初因為州洪武二年
改縣增屋永樂間又淪沒仍遷舊郭北十五里地名秦
家符至正統間知縣吳告王銳主簿陳梗先後建造
稅課局在縣西城東北隅

察院在城東北隅本縣東

姑蘇志卷二十一

欽定四庫全書

姑蘇志卷二十二

明 王鏊 撰

官署中

吳郡舊治按越絕書云今太守舍者春申君所造後殿
屋以為桃夏宮今宮者春申君子假君殿也太守府
大殿者秦始皇刻石所起至更始元年太守許時燒
六年十二月鑿官池東西十五丈七尺南北三十丈
吳宮至秦猶存守宮吏以火視燕窟遂火焉朱買

臣載故妻到太守舍猶即此地自唐乾寧元年刺史成及建大廳宋初為節度使治所嘉祐間郡守王琪復新舊廳闕甲諸郡陳經繼之作子城門樓觀甚偉元豐六年郡守章祐易以脩廊覆以重屋又脩戟門由是自臺門至于府廷棟宇稱度整莫加矣且吳之黃堂在昔著稱實為郡國事始自唐以來又多勝槩建炎兵燹靡有孑遺紹興初高宗將駐蹕平江先命漕臣於府治營造宮室三年行宮成四年移幸

七年三月詔賜守臣復為府治承平時每歲首飾
諸亭縱民遊翫以示同樂元初江南置浙西軍民宣
撫司後改為平江路總管府府官皆居外私宅聽訟
決遣則完會治所有舊宋廳署堂宇亭榭樓館凡
三十餘所後多頽圯惟黃堂木蘭堂齊雲樓宣詔
頒春二亭存焉至元二十年立浙西道提刑按察司
就府置司遂遷府治於舊茶鹽提舉司未幾罷按
察司府治復舊大德五年暴風作齊雲樓譙樓戟門

廳署堂廡皆摧毀僅存黃堂木蘭堂頌春宣詔亭
時真定董章為守復葺譙樓儀門設廳并兩廡吏
舍至正末張氏據此為太尉府及敗縱火焚之惟存

子城南門耳

門今稱鼓樓上置十二辰牌按時易之
嘉靖間巡按御史丘道隆令毀之

黃堂在雞陂之側春申君子假君之殿也後太守居
之以數失火塗以雌黃遂名黃堂即太守正廳也
今天下郡治皆名黃堂昉此或謂以黃歇之姓名堂
或謂二說皆非古者太守所居黃堂猶三公之黃

閣也緇素雜記天子曰黃閣三公曰黃閣給事舍人曰黃扉太守曰黃堂

設廳即黃堂也唐乾寧元年成及建宋皇祐五年李

仲偃守郡

盧志作仲雍誤

嘗脩大廳

蔣堂為記叙廳所始甚詳今題名逸李姓但名

晉卿是其字也

嘉祐中王琪始大為脩治

琪為規模宏壯假省庫錢數千緡廳

既成漕司不冝除破時方貴杜集人間苦無全書琪家藏本讐校素精即俾公使庫鏤版印萬本每部為直千錢士人爭買之富室或買十許部既償省庫羨餘以給公厨

繼經兵火之後紹

興三年宋伯友更建制度差雄高宗巡幸嘗以為

正衙紹熙元年袁說友紹定五年鄒應博皆重脩之

相傳設廳舊為燕犒將吏之所謂之旬設故公廚亦曰設廚蔣堂重修大廳記姑蘇受署廳新成當兵部員外郎李公晉卿守屏之明年冬十月也政修事舉所至精明完葺之初見梁間有題識乃有唐乾寧元年刺史成及所建乾寧距聖宋一百六十有餘年矣刺是郡者接跡不絕凡受署訖即臨便閣煩鞅沈迷其於廳事或旬日不一至以至年祀寢遠棟將撓焉予昔兩縮蘇印班錄餘門每浚池隍構臺榭以館過賓以備宴衍以追韋白二公風跡雖自以為適然於是廳繕完有所未至今觀李公之為有過人者圖新補廢俾唐末之遺構巍乎顯明吏民瞻之靡不胥悅君子謂李公急於先務知布政之本焉予因是事慨然自咎因書本末云時皇祐六年三月日記

譙樓即鼓角樓唐節度使入境州縣立節樓迎以鼓角故稱或謂宋淳化二年六月詔州府監縣應所受詔勅並藏勅書樓今之鼓角樓是也政和二年樓燬三年重作復更兵燹紹興二年席益鳩工三年李擢成之十九年王喚始作刻漏二十年徐兢篆平江府額但立正門之樓而兩挾猶未復咸淳九年倪普去任留羨餘錢十萬大脩之其更鼓之節凡日之晡則吹角一疊鼓十數聲謂之小引申時換牌樓上立

兩旗指外春曰青陽夏曰朱明秋曰白藏冬曰玄冥
各如方色黃昏吹角五人為三疊過鼓者六人每角止
撾鼓數千為三徧徧三撾六播凡三角三鼓而止四
更則奏角而不鼓亦謂之小引三點乃再發至五更
止謂之大角動云按宋軍防格節鎮鼓角各有十二建炎兵火後重
建元大德五年又壞於風總管董章重建之樓設鼓
角點鐘曰天池夜天池平水壺盆水壺減水壺滴水
壺二十四氣前

郡圃在州宅正北前臨池光亭大池後抵齊雲樓城
下甚廣袁按唐有西園舊木蘭堂基正在郡圃之西
其前隙地南宋為教場俗呼後教場疑即古西園之
地郡治舊有齊雲初陽及東西四樓木蘭堂東西二
亭北軒東齋等處建炎兵後惟齊雲西樓東齋為舊
製餘皆補造端平初張嗣古改郡圃名同樂園嘉定
十三年綦奎新濬府宅後方池環以土山輦西齋之
石並而為之立四小亭於上曰稜玉蒼靄烟岫清漪

皆取昔賢郡中賦詠而名其齊雲樓前有芍藥壇每
歲花開太守必宴客號芍藥會

西園在郡圃之西隙地直子城甚袤唐時有之白公

有詩宋以為西教場

白居易開園多芳草春夏香薷
薷深樹足佳禽旦暮鳴不已院

門開松竹庭徑穿蘭芷愛彼池上橋獨來聊徙倚魚
依藻長樂鷗見人驚起有時舟隨風盡日蓮照水誰
知郡府內景物閑如此始悟諠靜緣何嘗繫遠邇
宋藕子美詩山水共誰尋風月共誰賞詩篇共誰吟
花開共誰看酒熟共誰斟
道理使之然從古非獨今吾道自此孤我情安可任
唯將病眼淚
一灑秋風襟

北池又名後池唐在木蘭堂後韋白有詩池中為
鴟鴞上有白公手植檜皮陸亦有木蘭後池三詠范
志云今池乃在正堂之後而木蘭堂基正在其西後
無池跡豈所謂木蘭堂基非唐故址邪或舊池更大
與堂相聯邪皇祐間蔣堂增葺池館有宴集詩後
作北池賦有云危橋虛閣今池皆不能容益知昔為
廣池不誣矣嘉定十四年綦奎又作白檜軒於池上

蔣堂北池賦并序姑蘇北池其來古矣昔刺史韋應
物詩云海上風雨至逍遙池閣涼即其地也韋與白

樂天皆有池上之作盛說其景自韋白沒僅三百年
寂無歌詠者予景祐丁丑歲被命守蘇池館必葺嘗
賦北池宴集詩是時端明張安道為邑崑山亦留風
什傳刻于石故事在焉去此涉一紀予復佩蘇印感
舊成賦聊以寄懷云澤國秀壤句吳故城其野意之
勝者有曲池之著名環碧曉漲浮光晝渟幹琅津之
餘派分銀潢之一泓危橋跨波迅若走鯨虛閣延月
清如構瓊乃飛蓋之所集靄芳塵之不凝主人一

去

謂予去此
二年笑

春草羅生賦詠幾廢消榮未平今茲稅

鞅之日復慰

臨流之情目與景會神將喜并是時霽

色踈淨群動紛盈魚在藻以性遂龜游蓮而體輕禽
巢枝而自適蟬得蔭而獨清科斗成文書之象龜龜
有鼓吹之聲以至鷗鳥羣嬉不觸不驚菰葦成列若
將若迎岸庶并柯之木波孕紫莖之萍灘露沙而金
紫垣疊蘚以衣青新蒲鏘鏘挺水心之劍綠竹整整
矗羽林之兵別有島檣高聳虬枝相撐水石結構永

霜薦英若古君子與世寡偶而特立獨行吁可異也
噫境之勝者可稱物之秀者可旌故萬狀在目吾得
題評者已吾方岸野幘踞風亭觴賓友奏箏笙或獨
繭靜釣或扁舟醉乘惟蕉有漿用以折朝醒惟菊有
華可以制頽齡而況庭無留事身若遺榮泯得喪乎
意表育平粹於心靈姑徜徉於池上亦何慮乎何營
皮日休木蘭後池重臺蓮花畝紅嬌嬌力難任每葉
頭邊半米金可得教他水妃見兩重元是一重心浮
萍嫩似金脂颺似烟多情渾欲擁紅蓮明朝擬附南
風便寄與湘妃作翠鈿白蓮但恐醞醕難並潔祗應
蓂蔔可齊香半垂金粉知何似靜婉臨溪照額黃陸
龜蒙和重臺蓮水國烟鄉足菱荷就中芳瑞此難過
風情為與吳王近紅萼常教一倍多浮萍晚來風約
半池明重疊侵沙綠罌成不用臨池重相笑最無根
蒂是浮名白蓮素蕊多蒙別艷欺此花真合在瑤池
還應有恨無人覺月曉風清欲墮時皮日休重題後

池細雨闌珊眠鴛鴦覺鈿波悠漾並鴛嬌適來會得荆
王意祇為蓮莖重折腰陸龜蒙曉烟清露暗相和浴
鴈浮鷗意趣多却是陳王詞賦錯枉將心事託微波
蔣堂和梅摯北池十詠池上有虛閣暈簷簷迅若翔百
壺多盛集四坐仰惟良蘇印文綦綠蓮衣桂揖香何
由陪嘯詠數衽納微涼○池上有奇檜青青歲紀深
舊枝憐茂殖時亦欠清吟夕月漏孤影秋霜滋勁心
今方遇真賞風什播瑤音○池上有孤島影搖波底
天蓬壺欣髣髴仙客得留連岸草襯丹轂灘蘆隈畫
船羨君休潞日寄傲一罇前○池上有脩竹遙聞手
自栽幾因風韻響時感隼旟來粉籜經梅脫虬根遇
石回婣娟綠陰下小宴為誰開○池上有垂柳烟籠
濯濯枝芳根逢茂育老翠勝平時體弱因風舞詞清
入笛吹金城久不到遙想數羈離○池上有叢菊繁
英滿舊蹊金刀惜頻剪粉蝶得幽棲醉弁誰同插香
賤手自題遙思清賞處野步岸東西○池上有時釣

閑忘侍從身波平方浸月吏退間無人藻映魴魚尾
風搖獨繭綸一亭容膝地雅飾免荒蕪○池上有時
宴笙篴沸欲凝歡多漏移刻坐久月和燈席客詠持
蟹女娼歌采菱醉來忘萬事風靜水波澄○池上有
鷓鴣來從淮水堦舊巢離海樹清唳入吳天骨峭翹
霜月翎踈刷野泉使君宜得伴仙格本十年○池上有
馴鹿亭臺深處行長隨熊軾慣且免兎置驚遙草
眠多穩流泉飲亦清寸岑有靈圓可使遂微生

齊雲樓在郡治後子城上相傳即古月華樓也吳地
記云唐曹恭王所造白公有詩亦云改號齊雲樓蓋
取西北有高樓上與浮雲齊之義據此則自樂天始
也故其詩云欲辭南國去再上北城觀治平中裴煜

建為飛雲閣政和五年重作齊雲樓成紹興十四年
王喚重建兩挾循城為屋數間有二小樓翼之輪奐
雄特甲於兩浙後陳苦沈皞史宅之重脩

唐白居易
齊雲樓晚

望偶題十韻兼呈馮侍御周殷二協律詩潦倒官情
盡蕭條芳歲闌欲辭南國去重上北城觀復疊江山
壯平鋪井邑寬人稠過揚府坊闌半長安插露峯頭
沒穿霞日脚殘水光紅漾漾樹色綠漫漫約畧留遺
愛殷勤念舊歡病拋官職易老別友朋難九月全無
熟西風亦未寒齊雲樓北面半日凭闌干人和公權
登齊雲樓外春晴百鳥鳴樓中春酒美人傾路傍花
日添衣色雲裏天風散珮聲向此高吟誰得意偶來
閒客獨多情佳時莫起興亡恨遊樂今逢四海清九
日宴集前年九日餘杭郡呼賓命宴虛白堂去年九

日到東洛今年九日來吳鄉兩邊蓬髮一時白三處菊
花同色黃一日日知添老病一年年覺惜重陽江南
九月未搖落柳青蒲綠稻穗香姑蘇臺榭倚蒼靄太
湖山水含清光可憐假日好天色公門吏靜風景涼
榜舟鞭馬取賓客掃樓拂席排壺觴胡琴清圓指撥
刺吳娃美麗眉眼長笙歌一曲思凝絕金鈿再拜光
低昂日脚欲落備燈燭風頭漸高加酒漿觥盞灑瓠
盞菖葉舞鬟擺落茱萸房半酣憑檻起四顧七堰八
門六十坊遠近高低寺間出東西南北橋相望水道
脉分棹鱗次里間碁布城冊方人烟樹色無隙罅十
里一片青茫茫自問有何才與政高廳大館居中央
銅魚今乃澤國節刺史是占吳郡王郊無戎馬郡無事
門有祭戟腰有章盛時儻來合慙愧壯歲忽去還感
傷從事醒歸應不可使君醉倒亦何妨請君停杯聽
我語此語真實非虛狂五旬已過不為天七十為期
蓋是常須知菊酒登高會從此多無二十場章憲登

齊雲飛樓縹緲瞰吳邦表裏江湖自一方曲檻高窓
雲細薄落霞孤鶩水蒼茫固知興廢因時有獨覺江
山共古長回首中原正
愁思不堪殘日半規黃

木蘭堂又名木蘭院白刺史有寄題木蘭西院詩後
人以州宅後堂名之蓋紹熙中脩故事所揭范成大
書額嵐齋錄云唐張搏自湖州刺史移蘇州於堂前
大植木蘭花當盛開時燕郡中詩客即席賦之陸龜
蒙後至張聯酌酌之龜蒙徑醉彊執筆題兩句云洞
庭波浪渺無津日日征帆送遠人顏然醉倒搏命他

客續之皆莫詳其意既而龜蒙稍醒援毫卒其章曰
幾度木蘭船上望不知元是此花身遂為一時絕唱
范氏云案舊堂基在觀德堂後古木猶森列郡守
數有欲興廢者而卒未就承平時堂僅有治平二年
陳經所刻御書飛白碑揭于木蘭堂之新閣其後不
復存矣又新志云堂在西園凌風臺後池南即其故

基寶慶間猶存紹定二年闢教場始鉏治之

范仲淹
木蘭堂

詩堂上列歌鐘多慙不如古却羨木蘭花曾見霓裳

舞

白樂天為蘇州
刺史嘗教此舞

揚備

木蘭枝密樹仍高堂下花光

照節旄列鼎重茵歌舞
地金章同色使君袍

西樓在子城西門上後更名觀風樓續圖經云元微
之寄白樂天詩云弄潮船更曾觀否望市樓還有會
無注云望市樓蘇之勝地今觀風樓為近市殆即此
邪紹興十五年王暎重建二十年徐琛篆額下臨市
橋曰金母橋亦取西向之義淳祐中魏峻大修之取
白公詩表其下曰柳橋槐市且自賦詩又撥錢椿添
倅廳以俟異日修葺之助及黃萬石改作如臨安豐

樂之制

白居易西樓雪宴詩宿雲黃慘澹曉雪白飄

寶甃瑤瑤銀榼携桑落金爐上麗譙光迎舞妓動寒
近醉人銷歌樂雖盈耳慙無五袴謠城上夜宴留春
不住登城望惜夜相將秉燭遊風月萬家河兩岸望
歌一曲郡西樓詩聽越客吟何苦酒被吳娃勸不休
徒道人生都是夢夢中歡笑亦勝愁劉禹錫登見西
樓樂天題詩湖上收宿雨城中無畫塵樓依新柳貴
池帶亂苔春雲水正一望簿書來遶身烟波洞庭路
愧彼扁舟人玩月半夜碧雲收中天素月流開城邀
好客置酒賞新秋影透衣香潤光凝歌黛愁斜輝猶
可翫移宴上西樓楊備觀風樓觀風危堞與雲齊樓
下開門畫戟西鼓角聲沈絲管沸捲簾晴黛遠山低
范仲淹觀風樓高壓郡西城觀風不浪名山川千里
色語笑萬家聲碧寺烟中靜江橋柳際明登臨豈劉
白滿目見詩情章造西樓懷感高花古柳傍城闌游

目江城次第新百感中來倚惆悵滿城烟雨滿城春
耿元鼎西樓一曲舊笙歌千古當樓面翠蛾花發花
殘香徑雨月生月落洞庭波地雄鼓角秋聲壯天迥
闌干夕照多四百年來逢妙手要看風物似元和

東樓唐有之宋開慶元年馬揚祖建小樓於熙熙堂

之側以是為名扁曰清芬

獨孤及重陽陪李蘇州東樓宴詩是菊花開日當君

乘興秋風前五嘉帽月下庾公樓酒鮮留征客歌能破別愁醉歸無以贈祇奉萬年訓

東亭唐有之白公有詩宋更他名

白居易詩溫溫上爐火耿耿紗籠燭

獨抱一張琴夜入東齋宿窻聲度殘漏簾影浮初旭頭癢曉梳多眠昏春睡足負暄簷宇下散步池塘曲南鴈去未迴東風來何速雪依瓦溝白草遶牆根綠何言萬戶州太守常幽獨

西亭唐有之白公有詩宋之西齋是其處

白居易詩
常愛西亭

面北林公私塵事不能侵共閒作伴無如鶴與老相
宜只有琴莫遣是非分作界須教吏隱合為心可憐
此道人皆見但要修行功用深又題西亭朝亦視簿
書暮亦視簿書簿書視未竟蟋蟀鳴座隅始覺方歲
晚復嗟塵務拘西園景多暇可以少躊躇池鳥澹容
與橋柳高扶踈烟蔓嫋青薜水花披白蕖何人造茲
亭華漱綽有餘四簷軒鳥翅複屋羅蜘蛛直廊祇曲
房窗窳深且虛脩竹夾左右清風來徐徐此宜宴嘉
賓鼓瑟吹笙芋荒淫即不可廢曠將何如幸有
酒與樂及時歡且娛忽其解郡印他人來此居

初陽樓在郡中池上皮陸有詩既曰初陽宜占東城

皮日休登初陽樓危樓新製號初陽白粉青蕊射洛
光避酒幾浮輕舫下碁曾覺睡鴛鴦投釣列坐圍

華燭格簾分明占靚粧莫怪重登頻有恨二年曾侍
舊吳王陸龜蒙遠窓浮檻亦成年幾伴揚公白晝筵
日煖烟花曾撲地氣和星象却歸天閒將水石侵軍
壘醉引笙歌上釣船無限烟波猶在目東風吹起細
漣

池光亭在郡宅後即唐之北亭相傳為白刺史命名
紹興十七年鄭滋重建池傍有小山二東曰芳坻蔣
璨建飛白書額西有檜三十一年洪遵訪白公故事
所植自有記淳熙六年司馬伋以亭名犯家諱暫揭
木蘭堂榜紹熙初潛說友復之嘉熙四年亭圯後以

故址為春雨堂其額又廢淳祐三年陳堦以池光故亭乃外氏洪遵所葺遂以坐嘯齋改為之

櫻桃園

唐皮日休春夕陪崔諫議櫻桃園宴詩萬樹香飄水麝風蠟燭花雪盡成紅夜深懽態狀

不得醉客圖開明月中陸龜蒙奉和佳人芳樹雜春蹊花外烟蒙月漸低幾度艷歌清欲轉流鶯驚起不成樓

雲章亭在舊凝香堂西南紹興三十一年洪遵命名有仁宗賜陳經飛白書端敏寶文閣佛宇石刻獎諭陳經勅賜丁謂詩及高宗書千文

真宗御製賜平江軍節度使丁謂詩

序卿黃閣同寅實彰於盡瘁碧幢臨鎮方屬於報功
言當入謝之辰特賜褒賢之作今成七言四韻詩一
首賜新授蘇州節度使丁謂依韻和進詩云懿辭碩
畫播朝中造膝詢謀禮遇豐文石延登彰順美高牙
前導表疇庸書生仗鉞今尤貴舊里分符古罕逢畫
錦買臣安敢比黃樞早日接從容謂次韻和進云白
麻初降紫宸中簪組相驚帝澤豐驟陟將壇知運偶
久塵台席愧材庸桑榆便覺人間別旌戟猶疑夢裏
逢已是都城聲榮觀更頌天唱耀戎容又賜御詩序
卿名藩出莅雖極於倚毗文陛言辭良多於眷注特
示寵行之什用增方面之榮今成五言十韻詩一首
賜蘇州節度使丁謂依韻和進詩云踐歷功皆著諮
詢務必成懿才符曩彥佳麗貫時英俾展經綸業旋
陞輔弼榮嘉亨忻盛遇盡瘁聲純誠均逸明恩洽疇
勞茂典行白麻三殿曉紅旂九衢平雖輒凝嚴任尤
增倚注情擁旄辭帝闕頓轡望都城風景高秋月烟

波幾舍程想卿懷感意常是夢神京謂次韻和進云
叨竊逢嘉會孤單倚曲成高車陪上宰密座厠羣英
步武清華地優游侍從榮勤劬期薄効忠謹誓明誠
方畏官箴失俄驚寵命行冒恩心易感戀聖意難平
未副宵衣念寧安晝錦情搖搖千里棹眷眷九重城
茜旆輝登路瓊章耀去程子年牽望處金闕玉為京
謂跋云臣謂材用無取聲猷不揚徒以遭遇盛明忝
冒榮寵掌邦計參國政一紀于茲贊皇儀相盛則百
禮斯舉位重逾量恩深積憂蓋早負官箴久妨賢路
或驟拔物論則大辜聖知優退是希陳露未暇去年
秋九月甲辰忽奉制命遙登將壇進崇秩於上公建
高牙於故里君親奇遇臣子殊榮授命之初便殿賜
對天語撫勞瘁旨溫密至感至戀且拜且泣十一日
復對於宣和門賜御製入謝日七言四韻詩一首十
九日朝辭於長春殿賜御製寵行五言十韻詩一首
皆俾和進丹文綠字親奉於紫清雲笈芝函頒流於

衡泌簪纓聳觀油素騰芳壁日九華但圖首以拭目
薰絃六變釐方輿而悅心期大播於玉音敢盡刊於
金字蘇臺粵壤鍾阜名區並謹歲時永昭盛美大宋
天禧元年歲次丁巳正月二十六日推誠保德翊戴
功臣金紫光祿大夫檢校太尉使持節蘇州諸軍事
蘇州刺史充平江軍節度蘇州管内觀察處置堤堰
橋道等使知昇州事兼節度御史大夫上柱國濟陽郡開
國公食邑三千五百戶食實封一千二百戶臣丁謂
戒石銘刻石在廳事南銘即宋太宗書孟昶令箴內
四語也郡縣皆同

山陰堂景祐中張億建

瞰野亭見山閣皆蔣堂建

按武堂至和中呂居簡建

射臺嘉祐中蔡抗置

飛雲閣治平中裴煜立

介軒熙寧間韓朴植怪石於便廳後榜以是名

月臺在城西北隅元豐中晏知止葺故亭於上改稱
云

湧泉亭洗馬池祥符圖經云在州衙內

北軒在郡宅後寶祐五年重建於木蘭堂後東廡

扁曰聽雨西曰愛蓮

梅摯北軒歌枕詩苦無勤瘁補臺綱西院西頭冷峭房今日鈴

齋一歌枕清風不敢傲羲皇

介菴在木蘭堂南凌雲臺下慶厯八年梅摯建併作銘

後菴入通判東廳久亦廢而銘石尚在

介菴銘并序表署西北有

堂曰木蘭堂之南有臺曰凌雲灌木駢生其上臺下有故園廢洞址在焉予因訪陳迹通其塞而菴之惜乎习习立一隅中無長物入之者志意歛然思有所守宜介其名而銘之菴非廣居介不兼濟有守退公扶而獨詣心淵坐澄默與真契嗚呼公怒賊私不遭而霽私欲蠹公不萌而制世紛萬殊浩乎亡際何以靖之曰思無邪一言以蔽慶厯八年九月二十五日尚書戶部員外郎知蘇州軍州事梅摯立

雙蓮堂在木蘭堂東舊芙蓉堂也至和初呂處約

以雙蓮花開易名

楊備雙蓮仙影面波光翠蓋搖風紅粉香中有畫船鳴鼓吹簫然驚

起兩駕禽

戟門紹興元年胡松年建榜以平江軍額

徐琛書

元稱

為儀門

待班亭二在譙樓城下東西相向紹興巡幸時草創

更衣亭二在東西朶城之陽亦紹興所勅扶春池光

亭後醑醑洞也紹興二年沈揆命名并書

雙瑞堂元稱西齋紹興十四年王暎建紹熙元年長洲有瑞麥四岐及後池出雙蓮袁說友葺舊齋表以是名嘉定十三年又改思政寶祐中作新堂舊稱併

廢

范成大雙瑞堂記維紹興初元夏四月吳郡袁使君為政之再閱月也長洲之彭華鄉以瑞麥獻又

三月木蘭後池以瑞蓮獻麥兩岐已堅粟可刈岐間復出新苗五枝青蔥且秀且實後十日又岐於新苗之半亦秀實如前按瑞麥圖自兩岐至九岐者有矣未聞枯莖之穉一再重出青黃殊色而三穎俱茂有生不窮之意蓋創見云蓮則共蒂異花連理並秀豐腴適相當亦奇產也吏民歡喜謂造物者效珍發祥工深巧妙非賢使君孰能致此又謂使君辱臨吾州政爾煖席而嘉瑞輒應何其速邪余聞神人精禋之

交其跡固相絕遠一念感通則和同無間直瞬息頃
爾固未可速計也方使君持節按刑時以柱後惠文
繩郡縣弗虔官吏索足立逐捕劇賊血其鯨鯢風采
烈於秋霜朝廷第最課進直中祕書就牧此邦吳人
憺其威名相與屏氣惕息使君一日過范村從容為
余言鄉吾以衣繡持斧為職知飭法鉏姦而已今為郡
守號稱民父母當有惻怛之愛拊摩惻鰥若乳保之
於赤子使百姓知吾此心庶幾有不忍欺者雖蒲鞭
且弗願用況於折撻敲扑乎余矍然起賀曰公此心
當與天通人固未能盡知神者其知之矣閱時亡幾
而叶氣薰翔被于珍物豈非一念之感如鼓應桴有
不疾而速不召而至歟是歲秋大熟政成人和庭訟稀
簡郡廓無事曩之蘄望於民者皆如本指益知祥應
之不虛於是部使者暨府縣之賓佐皆盡圖以傳賦
詩以相唱酬猶謂未足傳久遠且春秋有年大有年
皆以喜書今茲樂歲善收甌窶汙邪無不滿望二瑞

實兆其祥尤不可以弗識乃以雙瑞名郡之東堂余
又為原其所以致祥者為之記因以附見有年之喜

亦春秋之遺意焉使君名說友字起
巖建陽人嘉平日石湖范成大記

四照亭在郡圃東北紹興十四年王喚為屋四合各

植花石隨時之宜春海棠夏石榴秋芙蓉冬梅紹定

中廢

負暄野錄云慶元中趙不羈會客問名亭所自
銅陵主簿姚行簡對曰山海經云招搖之上其

花四照華嚴經云無量寶樹普莊嚴華嚴成輪光四
照又云光雲四照常圓滿今亭四面見花故以此名

趙稱賞贈
遺甚厚

頌春宣詔二亭紹興十四年王喚建知信州吳說書

額傍有東西二井亭乾道四年姚憲建

坐嘯齋在四照亭南紹興二十七年蔣璨建并書額
思賢亭在舊木蘭堂之左池光亭西以祠韋應物白
居易劉禹錫三刺史後改曰三賢堂紹興二十八年
蔣璨重建三十二年洪遵益以王仲舒范文正公像
復更曰思賢堂嘉定十四年綦奎再新之又於堂

北剏白檜軒

仲年撰三賢堂記紹興二十八年春敷文閣待制陽羨蔣公之鎮吳門也既期

年矣治最上聞帝用褒寵民安初政郡以無事公唯益勤不懈事有關於風教纖悉必舉前人遺蹤勝槩

以次復馬思以前政信安孟玉之意嘗捐金欲興三賢堂祀唐左司郎中曰洛陽常公太子少傅曰太原白公太子賓客曰中山劉公皆嘗牧此邦者邦人尊之曰三賢曩歲為堂以祀之毀於兵火垂三十年邦人念之歎息公訪其遺基得於郡治故木蘭堂之左攘剔榛翳掄材庀工百姓不知僚屬皆樂從也紹興辛酉堂成制度古雅不陋不奢稱三賢之居中塑其像以次位置于堂南向東上并嘗一再從公過焉公曰其為我記歲月固辭不獲并每獨怪唐史如文藝儒學循吏三傳幾二百人韋公法當處一焉迺獨不為立傳亦史冊之遺恨也惜哉公正元初由左司郎得郡于此清德臨民民樂其政暇日賓禮名流與之酬唱于時白公客遊郡下盛稱公風流雅韻播於吳中至有詩仙之目自以不得與公遊宴為不滿已而罷郡寓永定僧廬羈旅蕭然欲求田課耕而未得每端居焚香掃地而坐清風峻節可想而知其後

白公自杭移蘇實寶厯初元也首以公郡宴詩餞之
石酷愛慕之每自謂不及韋公大槩可見於此史不
傳不得不致詳焉若白與劉行事始終則有本傳在
二公共生大厯壬子歲真輩行也晚益相厚世謂劉
白白之去郡劉以詩遺之有十萬戶嬰兒啼之句雖
三代遺愛何以加焉後六七年當大和中劉亦繼來
乘郡荒疫之餘撫摩安輯免民於轉徙文宗錫服以
寵之白公時在河南猶以詩為劉賀三賢平時道義
相先分相好誠相與也而文聲政績兼優並著且俱
為有意於民者名藩巨屏得一師帥吾民幸矣迺接踵
來臨歲月未遠聲名風采炳乎其輝一時盛事他郡
所未有也去之三四百歲邦人懷慕之不衰宜哉公
復振起而一新之是將傳之愈久而愈無窮也蔣氏
代以儒學顯至公而守茲土者三世矣公少受知於
世父樞密太師魏公翰墨篇章悉有家法晚逢明天
子擢登法從處劇以簡中扁湛然到郡今踰年矣鋤

荒植廢皆如此堂未易一二書也并聞元祐中魏公
帥南海郡人繪前刺史吳公隱之宋公景而下八人
築室以祠之魏公閱圖籍所載又得滕公脩王公林
合前八人者號十賢各為之贊叙公今新斯堂也視
十賢之舉蓋不謀而契蓋知公之心真魏公之心哉
敢併書以告來者五月庚申朔左朝奉郎前差通判
信州軍州主管學事江都仲并記廣平程紹祖書范
成大撰思賢堂記吳郡治故有思賢亭以祠韋白劉
三太守更兵燼久之遂作新堂名曰三賢其四年當
紹興辛巳鄱陽洪公始益以唐王常侍本朝范文正
之像復以舊之名亭者榜焉先是公以歲五月來臨
吾州繇州南鄱望洞庭畧具區觀三江五湖之吐吞
濤波晤天旁無邊垠而石隄截然浮於巨浸之上若
有鬼神之扶傾鰐鼉背負而湧以出也暮夜人語馬
嘶匈匈不絕公固已語其人思常侍之功矣周覽原
田而相其溝防東南之播於江東北之委于海者脉

絡醴通堙蕪滌涂夏旱易以陂潦水時至不能蓄渚
涯以決汙邪荒寒化為麥禾起景祐迄茲歲無大浸
於是公又曰非文正范公之勤其民者乎還而參石
記竹書之傳詳兩賢行事尚什百於此韓退之銘知
言碑王之墓隧謂治蘇最天下蓋遺冊塵存於一隄
其變滅無攸者不知幾也文正自郡召還遂參永昭
陵大政德業光明為宋宗臣通國之誦曰文正公而
不以姓氏行焉韋白劉之餘愛邦人既已俎豆之語
在舊碑尚矣王范風烈如此且有德於吳宜俱三賢
不沒以為無窮之思此堂之所為得名者嘗謂士才
高必自賢位高或不屑其官世通患也洪公忠宣之子
擢博學宏詞第一名字滿四海餘二十年既入翰林為
學士未幾自列去甫及里門制書以左魚來矣邦人
度公且上朝謁莫能久私公也然始至之日咨民所
疾苦退然不自居其智能亟從掌故吏訪諸賢之舊
圖畫髣髴想見其平生公既以道學文章命一世顧

有美於五君子者意將迹其惠術講千里之長利以膏雨此民彼憧憧往來眎桑蔭趣舍人裴者慮安甯出此夫才高而不自賢位高而滋其官盛德事也斯堂法應得書會公使來屬筆記歲日成大世占名數西郭樂其州多賢守令之不歆於古也文正公又吾東家丘馬竊願詭斯堂以夸隣邦以為邑子榮乃不辭而冰公命八月既望州民左從事郎范成大記并書

東齋

又呼草堂

高宗駐蹕燕射於此紹興三十年朱翌新

之為天臨堂會去任隆興間沈度乃更名復齋紹熙三年沈揆又改思政堂自書扁

瞻儀堂在廳事東

記云在郡治西北

紹興三十一年洪遵建

吳民俗重太守每來者必繪其像春秋陳於齊雲樓
之兩挾吏民瞻禮至是遵恐侵壞作此堂藏之紹熙
三年沈揆遷諸像於凝香堂併移舊扁慶元二年鄭
若容圖于壁間而以舊像度之閣上

樓鑰為記

嘉定六年

陳芾併撤堂後逍遙廢閣廣而新之

陳振記

寶祐五年

趙與憲重建端平三年張嗣古奉安韋應物王仲舒

白居易劉禹錫范仲淹五賢像于內

清波雜志云王顯道守吳遣騎

之常州寫真於孫仲益併復齊雲舊觀范成大瞻儀堂記吳自置守以來仍古大國世為名郡又當東南

水會外暨百粵中屬之江淮四方賓客行李之往來
畢上謁戲下願見東道主城門之軌深焉稻田膏沃
民生其間實繁井邑如雲烟物夥事穰有司程文書
應官府者以千萬計奉使命大夫行部第郡課必致
詳於吳以視列城其雄劇如此夜漏未盡太守坐堂
上主吏儼客旅進退語言面目不暇相孰何平明乃
得據按聽諸曹白事率常時食有頃他客與報期會
者又至如前雖精力過絕人其勢亦出甚勞而後能
善治故吳郡虎符非名德士若已至大官者不以分
去之數十百年長老猶以為記至藏其繪像畏愛之
如一日鄴陽洪公之以內相典城也乃規東序之間
屋為堂取凡公私所藏故佚之像頗補其闕遺列畫
其上又采韓退之廟學碑語名之曰瞻儀而命州民
范成大詞而識諸石竊嘗觀郡國方志與耆舊風土
之書既備載山川土疆郭郭所在必論次前世賢守
長爵里姓字之大畧著于篇謂君子嘗居之其地故

僻陋猶借此以為寵今吾州不獨能志其人而肖貌
具在章綬相輝凜凜如對生面他郡未聞有此雖大
府地重多顯者來自有不沒抑吳人習於觀上至
久遠且弗弭忘氣俗之燠舊矣洪公蓋始表出之盛
事固不宜無紀然公實以紹興辛巳夏五月至郡是
歲值敵謀畔盟積甲並塞使行人來啓兵端又造舟
東海上將數道入寇天子赫怒大發步騎待邊分命
搜船將督水居之士營巨浸以直敵衝吳前當出師
通道後控海浦所從入烽瑱相望羽書疾星火公聲
氣弗為動春容頤指不飲一錢不藉一夫機事立決無
留行姦人幸騷挫一逞心醉回則相率遁去里門晏
閑田間無吠犬行歌刈熟不知有軍與民德公甚念
無以報恩勤飲食必祝焉公於艱難時用劇郡呼吸
變故曾無足以嬰道德之威齒文章之斧斤者治行
冠一世而不自以為功若此足矣顧方帥其吏民以
館御諸賢覽觀裴徊若慕用之云者夫有餘則毋我

不足者多尚人君子之德心豈世俗所能測識者哉
後之人厯階而登有感於作者之意疇昔以行能蓋
前聞人其必葺斯堂而嗣其事壁間之圖將魚鱗雜
襲至於無窮可也敢併書之以風來者十月九日左
從事郎范成大記

秀野亭在坐嘯齋西紹興三十一年洪遵建

觀德堂在教場唐西園地也紹興間徐琛建西又有

射亭

新志云觀德亭在西教場紹定二年李壽朋拓
教場隙地移建於南舊木蘭堂基之西後名閱

武

逍遙閣在舊凝香堂後即舊觀復堂也

蔣琛書額取
韋公逍遙池

閣涼之句

嘉定中廢

凝香堂在思賢堂西面臨池紹熙三年遷郡守畫像於此更名瞻儀後以舊扁揭諸黃堂後廡

平易堂在小廳東挾紹興間蔣璨立自書扁

淳熙五年單夢

易以後改熙熙又改葵軒

涼渚本名流栢舊在凝香堂陰後徙池光亭後

碧玉壺在秀野亭西

地有茂竹故名

寶祐末廢

知樂亭即舊生雲軒也在古池光亭東端平中張嗣

古改立

郡人周虎書額

淳祐初廢

御書堂在春雨堂西淳祐中史宅之以思賢故址奉

理宗書家有膏雨戶有陽春八字

唐張說撰宋璟遺愛碑語

及春

雨堂額獎諭勅書徐鹿卿亦以御筆奉安其內

春雨堂在後池北初池光亭圯淳祐二年重建堂成

史宅之乃以理宗書額揭之以侈君賜

朝奉郎應傑記淳祐二年

春平江府治作新堂于池上秋工役告備顯謨閣直學士通奉大夫知軍府事兼浙西兩淮發運使史宅之拜疏聞于上曰臣蒙恩再領蘇印賴天子仁聖格于上下物不疵厲而年穀熟藪與民相安郡治北池

舊有亭曰池光郡太守澡心雪神思政慮善之地陋
且圯也深惟一日必葺之義捐餐錢節冗費更建為
堂堂成顧名弗稱竊伏惟念昔者幸備推擇守藩于
茲粗知究心牧養叨被聖獎遣使賜御書家有膏雨
戶有陽春八大字昭回下飾吳人以為榮臣不佞敢
敬奉春雨二字冠斯堂以揚寵光以殫德意以丕迪聖
訓惟陛下財幸上覽疏可其奏錫以宸奎使得揭扁
於戲旨哉謹按吳郡志郡治後園有北池韋白之所
賦詠一名後池池光亭在其北紹興十七年守鄭滋
重建然則尚矣三十一年洪公遵葺之距重建未久
也而多厯年至於今撤而新之若有待池光舊名莫
考所從始淳熙中涑水司馬家孫曾至則以嫌故借
木蘭以名池之東木蘭堂固在其何可復出厥今度
宏規成廣厦崇聖翰標嘉名春雨一堂遂為吳中鉅
麗之觀蓋非偶然者其庀役也因舊址厚培而勢若負
山倚屏然堂高三十二尺橫視從倍淵如曠如四面皆

架軒三間展如昭如南俯大池浮水觀以受荷薰北與齊雲相直如闢穹如臚如上棟下宇五間起乎中夾數贏五十尺馬人莫不曰偉哉堂也堂名我不敢私雲章天筆賁如濡如豈真以誇榮耀聳觀瞻而已自公退食言登斯堂因名而思義愛民澤物之念油然而生充而大之仁不可勝用矣仁之於四端猶四德之元四時之春偏言之主一事專言之包四者故春者春之生夏者春之長秋者春之成冬者春之藏何莫非春也乾坤之有六子動散潤燥止說互為之用雲行雨施乃獨見於乾而所謂元者非春乎君天也乾也四時之行六子之運則臣也天朝選用岳牧臣子對揚休命均此臣也公既以自任又以規將來堂之名旨哉公天資高淵綜而廣博天子以為烈考是以治吳有美政選表而入且踐台斗矣屬時以實塞為急會吳中薦饑遂命公奉使典州公再至能為人作豐年以其餘飽邊兵而活都民天子嘉之茲堂所

謂見吾善者機也公歸參化鈞穆天紳家有膏雨戶有陽春人將為天下誦之冬十月朝奉郎應儼記

仁政堂在小廳東北寶祐六年趙與憲撤造酒庫創為之其後季鏞扁今名

通判東廳在郡治西紹興九年白彥惇建十六年時行之撰題名記咸淳五年葉隆禮重脩正堂目曰敬簡廳西有琵琶泉小丘嵌巖曰西施洞淳熙十一年魏仲恭葺洞門作捧心亭後更舞雪又有風月堂蔡壇復於廳西作光風霽月堂

郡人王堊書額

通判西廳在子城西南隅

范志作東南角

淳熙十六年施邁

立石題名嘉熙初翁逢龍重脩

知府王遂記逢龍入有足清堂種書堂詩

未詳所在

景定五年趙與鑑撰續題名記淳祐三年謝堂

作屏星堂

吳遂記

城上有小樓見西山名湧翠

王遂記平江通

判西廳在子城西南最高處宜隆而汙宜豁而抱宜整齊嚴肅而雜處閭閻甚不稱夫通都輔郡之體治中別駕之居翁君過遂而言曰余郡一年矣而假室廬於人其何以尊君命而寧親心且堂扁題以淳熙十六年東偏則次年施君邁之所營歲月非不深而事力微矣會將斥而大之舍舊而圖其新能無懼余力之不任乎遂矍然而起曰君之及此言吾郡之福也乃與提舉趙公崇揮總領吳公淵桂公如琥合六

縣之長鳩財以助之而君以其力僉功其間一日往視之則堂崇成矣未幾入過之則廳事立矣門屋闕矣闢其東軒翼以後序高燥遠過其舊而營築歛退於初面贄朝揖莫不就正毫釐尋丈秩秩不差於是汙者隆拘者豁而整齊嚴肅隱然題輿泥軾之氣象偉哉其斯舉也謁記予遂因為之言曰吳古之建國也自秦伯季札以禮遜先天下至於晉唐千有餘年之間騷人墨客之所登臨忠臣義士之所感慨不為不多矣而力未有以瞻才又未足以給今君於此建官府而臨庶民坐堂皇而理百事於以出入王命經理兵賦不亦翹歟入侍潘輿怡衍有雋不疑范滂所不能及者豈非天下之至樂乎抑吏退賓閒舉酒屬客拍手而歌吳趨以訪闔閭之舊遊尋龜蒙之遺跡其樂有人不與知而已獨知之者又非言語之所能及也乃為之書君名逢龍字際可甬東人號龜翁登嘉定丁丑第詩思清越出大厯正元畦逕之表而長於

吏才費之大小役之遠近不書余之為此者非但喜
茲屋之成又以幸斯文之得所託也嘉熙改元七月
丙辰朝奉大夫煥章閣待制知平江軍府事兼管
內勸農使節制許浦水軍賜紫金魚袋王遂記

僉判廳在儀門西舊名都廳淳熙十三年重建廳西

有勤繼堂

本待問命名范成大書額石如堽撰記及
有前後題名三記平江府僉判廳勤繼堂

記皇帝龍飛改元春官收郡國賢能永嘉木公待問
大魁天下授僉書平江軍節度判官廳公事以乾道
元年九月二十有四日庚午至皇帝在位四稔矣眷
治道之方興想中原之未復以為未有不先內脩而
遽能外治者於是絀懦柔斥奔嬰警民瘼革政獎本
農桑懷歸附繕戎械肅邊徼剋文務實貴厚益浮靡
遠近小大莫不改慮易圖趣上意之攸向木公拊喙
而歎曰求治在朝應治在州一州不治也實虧天下

之治太守總州治之畧而已別駕貳州治之畧而已
六曹有參邑有令丞簿尉復各自治其職而已匪守
匪倖而守倖以之簡匪曹匪邑而曹邑以之諧此僉
書之所以不可廢虧其間也歟是州今股肱郡吾其
敢易廳事之西有堂可以燕可以息可以思可以為
則名之曰勤繼蓋取邵成子能勤繼之義也求法書
於郡人拈蒼太守范成大而題之且謂仲尼沒吾道
中否無為之說滿天下而勤為鄙天下不見唐虞三
代之治者知有無為而不知有勤也舜以無為為舜
舜之無為吾聞其有臣五人而後天下治不聞其無
臣而天下自治也吾聞其恭己正南面而已矣不聞
其己之不恭而南面之不正也五臣各得其職而入
己之必恭南面之必正舜有一日之不勤哉舜不如
是不能無為而治也杜元凱曰勤則功繼之人臣之
功莫大於禹稷予乘四載隨山刊木禹無為乎黍稷
重穆植穉菽麥稷無為乎禹稷不能以無為事舜後

之人君臣俱欲無為非姦則諛夫何脩名之能立也
木公胷中之蘊將至萬萬昇平豈適為州設邪寓名
斯堂則不小乎州而弗為也不小乎州者且何大於
天下粵明年五月召去如堦以散才承乏偶屬後塵
時太守顯學吳興沈公介精白惠糾不可以弗勤事
也外臺在郡使者實今太守直閣會稽姚公憲風規
振肅尤不敢弗勤今憲使者司諫丹丘陳公良翰器
閎道直凡州縣屬惟恐勤之弗至二年之內出親吏
帥之儀退味勤繼之旨雞鳴而興功非所幾也在易
蹇之井者敢不以之顧將及代矣而夫魁同郡蕭公
國梁實來是固嘗茂明乎勤而舜俞之者也居斯堂
也事斯上官也是殆相須以行乎禹稷之道者也是
殆相須以禮樂斯民者也且何州之弗治天下之州
皆有是吾無外輕之憂矣嚴班對杜區區中興之策
奚為哉維四年龍游固敦辰在析木之津二十有
二日庚戌吉長樂石如堦記虎丘之農林東書

節度推官廳在通判東廳西嘉定三年重建西軒扁曰冰壺

觀察推官廳祥符圖經云在州衙門內西後遷子城南紹熙間以平橋南舊酒庫改為之嘉定三年呂伯闇重脩有記紹定二年呂祖恣撰題名記

宋李卞重脩觀察推

官廳記平江觀察推官解故在子城之南隅去郡庭纔數十步蚤暮入幕為良便淳熙間有去官者代未即至庾臺因假以處幕屬久而不歸遂以麗譙南廢缺酢庫為治所即今解也有屋數間介于民居敗椽破壁支柱交午每大風雨勢岌岌然若將壓焉累收相仍弗果葺呂若蒞事之三月慨然曰郡從事為今

從八品官雖卑郡政無小大皆與聞焉異時繇此登顯途者項背相望而所居庠陋若此非所以稱幕府待賓僚之意縱未能撤而新之獨不可為之以漸乎乃相地之宜即廳事之左闢屋數楹窓戶疏達四坐顯敞繚以脩竹為燕坐之所然後為壁為廡下至庖圓皆以次畢具經始於癸亥之末夏訖工於首冬凡為屋十有四間基堅材良不侈不陋視前日子城故廨規撫遠甚君將代去求文以記歲月卞切開昔之叔孫姑羈於晉其所館雖一日必葺去如始至況在官乎今之仕者多安於苟且重於改為眠官舍如傳舍翫愒因循既幸其滿始飭胥徒旋加丹堊以遺來者棟宇摧腐庭戶之湫隘謾不加省視殆有愧矣呂君來未煖席方僕僕奔走應簿書期會剔技蠹弊以贊郡綱乃能謀其室於從容談笑間井井而辦客至則杯酒相屬吏退則書史自娛受用三載而遺後人以安嗚呼可以觀政矣故樂為之書呂公名伯問字

正之中公五世孫也開禧丙寅夏五月壬辰朝奉大夫新擢發遣安慶軍府兼管內勸農營田屯田事偕紫李予記名記官無崇卑居之者必有以紀其到罷之歲月其來尚矣平江為輔藩觀察推官為幕屬中興今逾百年獨無紀載不其闕歟

府院在子城內東南廳事西有簡孚堂紹興十一年

錄事參軍吳芾作

乾道五年芾入對過吳題詩廳壁錄參王康彥以入石并刻前記為

此廳盛事紹熙元年趙景度刻石題名

祥符圖經云州縣在州衙內東偏前

志府廳在燕樓東陳之茂記平江錄事參軍吳明可作堂於廳事之西友人陳之茂一日過之愛其闢然幽深與公齋不類明可徐謂曰僕猥以不肖典茲獄市常以人命至重大懼不明以抵累于非辜究懷怵

惕夙夜靡敢自安茲堂之作非晏樂是圖蓋將為訊
鞠論囚之便焉客有取周書五辭簡孚之說以名者
願得子一言之茂懼然起而前曰嘻明可不苟於其
官如此哉夫君子之任無小大舉得以忠恕仁厚施
諸人而功甚速者莫如獄然異懦不事譏可否於吏
吏因緣邀賕執爰書拮据微細考一連十翫歲月不
報不則觀勢利所鄉肆請託之私為豪傑囊橐而羸
弱寒窶卒以纖芥文致不減幸而強敏可喜往往舞知
苛察鉅薄慘刻務以威猛立名嗚呼獄君子所盡心也
使持法者一有是則刑失其平而銜恨蒙冤無所赴
愬寧忍之乎是以哀矜欽慎巨細坐折皆得其實等惟
寬平之歸則食息俛仰庶幾無愧屋漏明可學通世務
介而有守居官餘年明允篤實之譽隱然在人則斯堂之
義固已從容躬蹈僕尚奚云明可行為中都刪修之官
陪相國餘論筆則筆削則削一字輕重利害相萬願無
忘今日用心明可宜此言請刊諸石併以告夫來者明

可名芾丹丘人紹興十一年七月旦梁谿陳之茂記

司理院在子城內西南紹熙元年李直方刻石題名

寶慶三年提刑林介司理章巽亨建廳後正堂曰清

安軒曰盡欽廳東軒曰甘竹改名務平

盧氏云按李莊簡公奏疏

云朱勔展南宅以奪司理院則非舊處明矣或謂今院乃政和所遷雖與李疏合但今獄庭有塔在及葛縈記作熙寧己酉歲二年似與前說不同祥符圖經今移在子城外西南隅前志云在譙樓西

司法廳舊在子城內後以平橋南舊醋庫為之紹定

三年趙汝渠重建并書額後有便坐東曰雲舍西曰

賦梅

劉平國撰記

司戶廳在府院西慶元二年重建廳西小圃有翫花池采香徑秀芳亭飛雲閣廳東有小山亭曰小蓬瀛池北有長嘯堂皆建人袁申儒所葺治并撰題名

記又鄭霖撰壁記

鄭霖記戶曹之官廳壁記尚矣吳君天澤兩年成資節齋資尹辟置

醴幕趣來不容緩辭余以續記為請余竊觀今之仕者其迹如寄於其職分所當為者往往漫不之察既去若素不曾到又何暇此為哉余與吳君昆弟交久矣素知其家學有守相繼登上科又能發明外氏龍川文藝公之學同志皆推之余來假守得君為僚助我多矣君雖初筮其諳究官業如素然而職掌版籍

之外郡日受戶婚之訟皆賴以決犂然當乎人心余恨挽之不可得情之依依尤甚也觀君之所存未易涯溪然猶拳拳於此記者蓋不以獨善為喜又將以詔來者壁故有記他不復贅言姑道吳君之志云淳祐十年七月朔郡守天台鄭霖記

兵馬都監廨舍在州衙東偏

兵馬監押廨舍在州衙西偏有二所見祥符圖經

路鈐衙在府西樓下東偏

州鈐廳在狀元坊內

路分廳在鈐衙南

糧料院舊在蕉樓西紹熙中陳景思刻石題名龔頤
正撰記後以織里橋南沒官屋改為之

監糴納倉廳在姑蘇館前淳祐中李煥重立題名

奉朝

大夫黃

濤記

轉運使廳在郡治西偏熙寧七年徙治杭州

今傳西館橋東

酤酒庫即其故基又孫何自京東遷二浙於此
作三亭曰自公溫故艤舟有三亭記見集中

發運司催綱官廨舍盧氏云按會要崇寧三年八月

江淮荆浙等路發運司奏移自潤州至衢州催轄綱

運官於蘇州置廨宇

提舉淮浙澳閘司盧氏云按會要崇寧元年十二月

置提舉淮浙澳閘司于蘇州

以知崑山縣事鮑朝懋提舉管轄依提舉弓箭手側

序官置司人吏許於常潤蘇杭秀等州選差半年一替仍令兩浙轉運司進奏官兼管發落文字從左司員外郎曾孝蘊之請也

牌籍庫在大廳西 油榨庫在大廳東

炭庫牛皮庫並在大廳西北 已上祥符圖經

軍資庫在大廳東南儀門左紹定五年鄒應博重建

甲仗庫在大廳西紹定中鄒應博別建於瞻儀堂後

改名安成庫

中有鎮庫鐵櫥其上款識云項王將鍾離昧者乃淳熙中天慶觀造嶽神廟

浚井所得

公使庫公使酒庫並在設廳東

按公使庫諸道監司州軍皆有之取民以

佐厨傳之費然正賜錢不多而著令許收遺利故州郡得以自取江浙諸郡酒歲遣中都官凡五六至至必數千瓶淳熙中尚書王仲行守郡與祠官范至能胡長文厚一飲之費卒至數千緡又有公使醋錢諸郡立額自取於屬縣飲於民以輸之小邑一歲不下數千緡人尤以為怨

架閣庫在設廳西廊

激賞西庫在景德寺東激賞南庫在盤門內右二所
並紹定二年李壽朋劾

武備庫在齊雲樓東城下寶祐中趙與憲立

造酒庫在平糴倉西寶祐五年移公使酒庫改劾

醕酒庫在西館橋東

竹青庫在閤門外今有竹青塘

四酒務在夏侯橋南

抽解場在明澤橋南

香藥場在羅城內

一云香藥司

茭草場在子城西

一云茭草局並見祥符圖經

商稅務在子城西

酒務在子城正南見祥符圖經

盧氏云按續記又云稅務舊在驛前范文

正公遷於西河上公私甚便

太平惠民藥局在醋庫巷慶元元年建

濟民藥局在魚行橋東紹定四年吳淵於廣東

坊之左自為記開慶元年馬揚祖重建于子城內路

分廳之故址繼又遷於其北

吳淵記淵猶及見先生長者談乾淳間事其言

曰聖朝體列聖好生之德每以民命為重一念懇惻無所不用其至乃至濟藥療病亦加宸慮一日忽遣中使宣索太平局龍虎丹既進御命捐其價十之九蓋聖意謂親嘗則主者不敢苟直廉則貧者易以得嗚呼神農氏曰試百藥周官醫師掌醫之政令自十全以至十失必次第而躬行誅賞實此意也近世天下郡國臺府開設廣惠局以便民服餌皆所以廣此意也姑蘇城大人衆余領郡適有春疫亟幸羣醫之良分比閭而治某人某坊某人某里家至戶到悉給以藥糲而無力者則予錢粟疾不可為者復予周身之具繇二月訖七月其得不夭者一千七百四十九人因念倉卒取藥於市既非其真非惟不真且弗可以繼乃狃濟民一局為屋三十有五楹炮澤之所修和之地監臨之司庫廩庀湑鑪磴鼎曰翼然井然固

不畢總具夫匠木石之費錢以緡計者七千八百四十
五米以石計者三百二十三既落成復以二萬緡實之
為市材費凡川廣水陸之產金石草木之品無珍不至
無遠不取冀有益於人故真其劑弗求贏於官故輕其
直料置豐盈薌味芳烈較市之銜玉賈石者相去不啻
萬萬列肆闐闐過者懽悅他日設遇流行之災四時
之沴則分醫以療捐藥以濟具為吳門之利蓋未有
已也恭惟聖天子仁同阜陵視四海之瘁疴疾痛如
在一體淵幸叨選擇出守是邦求牧與芻不收不勉此局
之設蓋亦所以推廣德意萬分一云紹定四年八月奉
議郎直煥章閣知平江軍府
事就除浙西提刑吳淵記

慈濟局在府治東南夫子巷嘉定中初作棺以給貧

民

慈幼局在府治東同樂園門裏寶祐中趙與憲勅

先是

淳祐七年理宗令臨安府置慈幼局收養遺棄小兒
支給錢米貸貧婦乳養民間願抱養者官與月給錢
米三歲住支與憲
蓋推廣上意云

作院在教場西乾道四年姚憲建

居養安濟院在社壇東建炎以來廢淳熙三年陳峴

重建

有仁政倉籍官民田千六百六十畝得米七百
石有奇以給歲用提幹盧瑤記紹熙元年提舉

張體仁入翔安濟院于城西南開禧三年陳者壽益
以田一千一百二十畝郡人滕成作增田記盧氏云按
國史崇寧元年知開封府吳居厚請置居養院處民
之鰥寡獨者以戶絕財產給其費支河北轉運司

亦以為請又推廣之先是蘇大忠公知杭州日置病坊一所於城中名安樂堂以僧主之至是為言仍改濟安

安養院在州鈴廳後舊曰醫院提舉林介建改稱

陳

卿記安養院在州鈴廳後舊曰醫院實慶中改今名安養院尚書郎林介之使浙右也決而和威而愛罪自死以下周慮熟識不得其情不上焉既而曰死於刑吾不忍也而有死於病者若之何忍之於是安養院成郡府院四獄之以病告者而治其醫之政令大槩屋百礎田三頃飲食臥籍薰燎之物靡不具護視典領督之人靡不力貯藏頒給激犒之法靡不將簡良才萃名夕以授大小醫而精煉治之因氣畧不舒識之厯厯至因亦至既至醫拯療如法洎愈因與厯歸爭喜曰吾病憂死爾今遇公得不死果死可無憾

況生乎且吾昔之病未若今之病之愈之速也果死信無憾也或曰囚有罪者也果死死有罪者也醫有罪使不死豈過歟余曰不然均是民也均是耳目肢體也其罪至死者法也縱不可生當死於法而不當死於病也或罪不至死而亦死於病官實死之也夫不能生其所可死而至於死其可生是假獄以弇也如公之心惟見其可生不見其可死視其有罪也猶其有疾也則視其有疾而欲生之尤甚於有罪而欲生之之亟也洪惟聖朝天覆春育允拳拳岸獄事乃四月制下飭監司都守以審克縷縷二百言公永讀訓詞蚤知德意院之成今已一歲成而不墜可百世蓋好生之君與宅生之刺史脗相合如此今而後囚固無憾公亦無憾也哉分名介紹熙名御史之子御史按行東浙有異績先後輝映克其清謹庶獄有自來云寶慶二年八月天台陳耆卿記

廣惠坊在魚行橋東紹定四年吳淵初自為記

吳淵
廣惠

坊記淵不肖劣聞先君子之訓曰先儒有云志伊尹之所志學顏子之所學又云一命以上苟有志於及物於人必有所濟此吾之所以終身拳拳服膺而勿失者也書曰一夫不獲時予之辜孟子曰思天下之民有不被堯舜之澤者若已推而內之溝中此伊尹之所志也小子識之淵入耳注心三十年于此矣故自領一簿宰一邑以至貳一州佐一臺未嘗不日思先君子言求所以及物濟斯民者迺庚寅之冬被命守姑蘇道過吳江橋下淵延見所部吏舫舟焉時夜雪凝凜霜風凜冽襲裘不知其為溫附火不知其為炎於是惻然動心進左右而問之曰爾邦城大民夥鰥寡孤獨癯老廢疾顛連而無告者其多乎曰然郡有廬以聚之有廩以食之乎曰否淵獨念言窮州陋邑猶有所謂居養安濟之所吳門甲三輔多名守富課租不應有此缺典既領印即括夫田之沒入于王官者廢絕于緇黃者未足則以公財市民膏腴者寸

積尺累厥數既登廼卜地鳩材為屋七十程總上木
夫役費錢絀九千六百八十米石三百一十七既成
扁曰廣惠坊廳堂耽如廊廡翼如男子婦人各有位
置倉廩庖湑井曰床几鼎彝備具無一乏缺適然而
疾病者又別室以居之大者人日粟一升半月錢三
十有三小半之米則三殺其一焉夏則湯沐冬有衾
纊病有藥死有槨額以二百人為率亡者得續此其
大畧也竊嘗攷祖宗時在京有四福田院外郡有居
養安濟院當時奉行惟謹甚者至有設幣帳具酒食
其所全活不可勝記深仁厚澤與天同普此國家運
祚之所以久長州縣長吏之所當遵守而廣惠坊之
所由以作也後之人與我同志尚思先儒之言益而
侈之是亦上不負天子下不負所學之一端云若夫
租入多寡別石具載茲故不書紹定四年八月既望
奉議郎直煥章閣知平江軍
府事新除浙西提刑吳淵記

元宣化堂宋郡宅堂基或云即黃堂也元貞初治中
王都中以舊春雨堂移建參政徐琰為題此扁推官
廳在府治右即宋都吏廳大德七年推官孫居仁呂
良祐改廣之曰明恕延祐六年呂顯祖賈達又加開

朔

判官理熙
伯雍為記

經歷司在府治東

門樓扁藹
丘李衍書

大德七年經歷范子咸

以兩淮發運司簽廳改朔軒廳東西廡後堂即宋雙

蓮堂基扁曰芙蓉幕

方進
辰書

其西廡為照磨廳又為承

發司

錄事司在推官廳西即宋通判東廳

司獄司在譙樓西北即宋司理院

官醫提領所在譙樓南即宋察推廳也大德八年革
陰陽教授司在譙樓東

都稅使司在織里橋西即宋中和樓基

蒙古字學在府治西南至治中置

平準行用二庫一在樂橋南即宋和豐樓也至元十

三年改造一在禪興寺橋南至元二十一年朔

豐盈庫即宋軍資庫也至元十二年隸宣撫司十四
年改為永豐庫隸平江路總管府十九年復改為
豐盈

省富藏庫分司在閭門外

抽分竹木場在郡城西

惠民藥局在吳會坊側初以舊和豐樓為局延祐
五年改建

雜造局在蔣家橋南至元二十一年置

織染局在平橋南即宋提刑司也至元十七年改勑
浙西提刑使司在烏鵲橋西北舊作提點刑獄司建炎

四年置使紹興初建廳事後曰明清堂堂後亭曰留

客曾逮勑

其父文清公幾命名
并為詩徐藏隸額

乾道九年諸路添置

武提刑一員遂於舊司之東撤去幹官廨宇以其地

作東廳後復省罷

曾幾留客亭詩序逮子作亭於官
舍明清堂之後種竹殆千竿余名

其亭以留客取老杜竹深留客處之句因題二小詩
云行到竹窮處有亭佳可遊境因吾子勝客為此君

留娟淨經時雨蕭條六月秋豈無他草樹涇渭不同
流○種竹無他事林間與客遊自應携手入安用閑
門留靜可過僧夏清宜對奕秋衰翁九節杖來往亦
風流沈度汨汨多塵事長懷鳩杖遊每因門可款豈
為醉相留靜契竹林勝幽非草樹秋公今國耆艾砥
柱屹中流○持節推仍世林園記昔遊深藏事幽討
長轡詎淹留已見山無盜欣同歲
有秋時容一嘯詠寫此晉名流

檢法官廳在本司前紹定五年重建便坐曰毋不敬

池北堂曰肖野實祐中新作

幹辦公事廳在東廳後有超然堂北齋開禧初陸子

虞葺之及初題名記實慶三年趙時侑再新之

趙希邁超

然堂記水心葉先生負天下重名淳熙十年賓浙右
提點刑獄幕士爭宗師川赴荅應暇時賦詩超然堂
上庭下檜雙榦入手自種植從是堂名四播而草木
聲價隨重矣先生前建堂纔八年後二十二年山陰
陸君子虞嘗經理葺治距今又二十二年風毀日剝
摧破弗支後人撐持苟歲月庭檜翳鬱怪稍守簷亦
莫事修剪超然堂名在而已秦溪林公介從持節易
繡斧數月四明趙君時佐來幕下主和而賓敬政肅
而事省一日諸曹從容以新堂請林公喜從曰吾志
久矣亟命吏市良材隣郡且屬君務偉舊觀給工度
料不計也越月堂成堂後復剏屋曰晝永東西偏各
有新書房曰盡心曰一經移巨檜一株與先生手植
檜欄楯對峙蔽以花柳翼以墻垣觀者目駭心動而
超然堂名迹始相稱君屬希邁曰子游先生門最久
又辱林公知識顧末非子事乎夫聽宮室之圯壞不
事改作者常人所安也至於承廢處陋求作新而卒

莫遂者志士所未滿也豈作新一念與苟安者同哉
蓋力之勤惰在人而事之興廢在時時副人則可人
勝時則不可超然歟傾非一日作新者人不知幾人
時或拘之人力雖至何益也君於林公一相晤語而
新堂之志頓遂得非時在林公而君之人力因著乎
始吳人宗文正范公學後和靖尹公讀書武丘山士
亦知慕向至先生以良右端範士軌學者於是人所
鋪張皆正響真脉而吳之士乃盛林公方彌節首命
僚屬拜文正祠未幾祀和靖且饋存其孫子昔先生
淑教池又拓新之林公志於率屬蓋在此不在彼也
君林公門人超然既新而無復前日之卑隘淺陋於
焉持蹈於焉辨書而敢以遊觀答其長乎堂南浚井寒
冽可食檜陰覆其上君命曰雙檜泉尊慕往哲之心
並不自懈也書得隱歟寶慶三年八月朔儒林郎平
江府嘉定縣尉
東甌趙希邁記

添差幹辦公事廳在飲馬橋南社壇巷寶祐中以沒
官屋改荆

準備差遣廳在烏鵲橋南寶祐初趙與峕請以沒官
屋改荆準遣余東復增葺之自為記

提舉常平茶鹽司在子城外東即舊鹽香衙也紹興初
建咸淳四年宋遇再建後堂十年權使事潛說友重

荆廳事廳事之東有觀風堂

米友仁書榜

池傍有假山扁

曰壺中林壑

寶祐六年改觀風張即之書

池上二亭南曰揚清北

曰草堂廳之西有宸翰閣

亦友仁書扁

東北有宣惠堂

淳祐

三年程以升重建

後舊有皇華堂

吳說書額紹興二十年王珣重修紹定四年袁肅移

建于宣惠堂後池北刻皇華詩于壁自為之記

皇華之東又有尊美堂

亦紹定中

建其上有達觀樓後有清意亭

淳祐中趙與弼建

廳之東側

有頤齋後有圃扁曰春熙圃中有望雲臺

紹興末楊和王子侯

持節池傍有繡春堂

淳熙十五年史彌正建范成大時作書額即舊皇華堂嘉熙中趙崇

暉重翔草堂揭以此額

池中有鑑止亭

史彌遠作

常平僉廳在正廳西南紹定中重建袁肅題會議之

所曰公是堂入為記

幹辦公事廳二一在檢法廳北嘉定十六年沈省會刻石題名一在郡樓西後改添差幹辦廳

添差幹辦公事廳即郡樓西廳西舊治也端平二年

楊權重修有記淳祐二年趙與峇名曰諧清堂

取葉適詩語

茶鹽司幹辦公事廳有二一在醋庫巷惠民藥局東一在譙樓東後改發運司僉廳

提領官田所主管文字廳在禪興寺橋西北舊百萬

倉官廨廳東便坐曰東菴咸淳七年家之巽初并記

發運司嘉熙三年九月置浙西兩淮發運司于平江

以守臣兼領

時知府趙與憲遂兼副使仍以措置浙西和糴繫銜既而又初提領和糴所并

節制司增置官吏先是和糴歲數屬縣有田官民戶寶祐四年糴至一百五十萬五年至二百五十萬景定中派買官民田以為公田永免浙西之糴至四年八月有旨省罷而節制司併歸于郡

節制司後有談笑堂籌勝樓景定四年趙宗源撰題名

記

幹辦公事廳在吳縣西南寶祐五年以民居改初廳

西有軒曰風雲壯懷傍曰鐙基月析皆陳鎮入幕時
名前有臺亭曰橫舟有陳鎮題名

節幹廳在子城內咸淳四年以濟民新藥局為節制
司準遣廨舍十年有劉坦題記

江南浙西道肅政廉訪司分司在譙樓東

海道都漕運萬戶府在閩德坊內有鎮撫所及各千戶

所至正末張氏改為分樞密院有漕運邊公等政績
碑二今移置靈慈宮內鎮撫所理本府庶務

山崇明所 杭州嘉興所 常熟江陰所 松江嘉
定所 平江香糯已上諸所所在萬戶府後裔司空

巷內設置各治本
處運糧船戶事

江淮財賦提舉司在織里橋東

朱張財賦提舉司在閭橋北

宮相府提舉司在城東

稻田提舉司

汴梁提舉司並在昇平橋

善農提舉司在乘魚橋北

平松提舉司在朱張巷

已上四處至正間改為提領所

集慶提領所在盛家帶上

都水庸田使司大德二年立於譙樓東七年革罷至正
元年復立於乘魚橋北後遷織里橋東以江淮財賦
提舉司改創



姑蘇志卷二十二